



MAGNÆ
SOCIETATI REGIÆ
ANGLICANÆ,

Marcellus Malpighius. S.P.

Bombycum Historiam, quam elapso anno, *Viri Sapientissimi*, à me postulastis, hīc ruditer compaginatam habetis. Hanc inanem non undequaque censerem, siquid vel minimum ex ipsa, vestris dignum oculis, aut pro magna Physicæ instauratione (quam sedulo molimini) aptum elucesceret. Cum enim tota in *minimis* existat Natura, si alicubi, magis equidem in *Insectorum* moleculis id deprehendi par fuerit. Quod si humana philosophandi ratio ob sui infirmitatem serpere cogitur, nec tolli potest, parum cum *Bombycibus*, qui humi reptant, ab instituto aberrabit. Hinc, ut *Historiam* propositi In-

B

secti

18. Euphorbia

sedti aggrediar , nescio , An rerum necessitas, urgētibus extēnorū iētib⁹, vel potius humana luxurias, prima homini comparaverit indumenta. Illud certum est, Plantarū Arborumque frondes, ruditer implicitas, extitisse tegumenta ; mox Brutorū quorundam, sponte defunctorum, spolia ita arrisissē, ut excusso mortis horrore in hunc finem innocentēs belluas mactarent,

Pellibus, & laxis arcent mala frigora braccis.

Et ita mortalium commodis sat provisum videbatur. Nec inter hos limites tamen humana libido diu se continuit, sed posthabitā primītiva simplicitate, novo excogitato artificio, eorundem Brutorū vellera detonsa in stamina contorsit, eaque miris ambagibus texendo, implicitū. Nec sat fuit, Brutorū exuvias torquere, sed attritis plantis, maceratāque ipsarū compage, ut solo cortice fruerentur, nova invexēre stamina. Et quoniam interdum fragilitas & infirmitas ipsa pretium conciliat, cum humani ingenij vis ad hæc minima effœta langueret, Insectorū genus, quod intactum adhuc jacebat, adorti, ad nova sibi nenda stamina damnarunt. Inter hæc igitur *Bombyces*, qui præsertim apud *Indos*, & *Seres*, teste *Servio*, campestri quadam gaudebant libertate, feliguntur ; unde tenuissima ipsorum stamina in fila retorquere, & inde texere (ut aliquibus placet) *Pamphila*, *Platis* *filia*,

lia, in *Coo* Insula primò cœpit; at *Aurelianì* temporebus in tanto fuit pretio Sericum opus, ut hujusmodi libra *Auri* æquali pondere mutaretur. Postremo tandem, regnante *Justiniano*, ex *Serida* Indiæ urbe, *Bizantium* delatis ovis, ibidem fieri cœpit *Bombycum* educatio, inde in *Græciam*, finitimasque Regiones divagata adeo percrebuit, ut nil (in *Italia* præcipuè) frequentius, Matronisque gratius occurrat.

Bombyx igitur, quem *Serem*, seu vermem *Indum* vel lanificum, vel, mavis, erucam Bombycivoram dixere, notissimum præcipue apud Nostrates insectum est; in quo tam miræ Metamorphoses succedunt, & naturæ opificium ita elucescit, ut necesse sit singula ejus vitæ momenta perpendere.

Ab *Ovo*, communiori Viventium principio, originem dicit. Hoc per annum conservatum, incalescens in vere Aeris tempore, vel triduo fæminarum sinu fotum, *Bombycem* promit. Dum incubantur ova, Cærulea ex *Violaceis*, mox Sulphurea redduntur, & tandem Cinerea; quæ successiva Colorum varietas à genito revolutoque intus verme, per corticem, veluti per diaphanum Cornu, erumpente, producitur. Aperitur autem Cortex, seu Testa, dum Vermis, fortasse percitus fame, Ovi acumen perforat, dentibusque ipsum erodendo, brevi quadrantis horæ spatio viam sibi facit. Exit hic capite erumpens, interdum etiam opposita corporis extremitate. Nulla supersunt membranae in-

volucra; totum enim putamen mundum remahet; quin nec perforati corticis supersunt protegmina.

Nati mox *Bombycis* Color fuliginosus est; circa primum annulum & superiores pedes, modicum cinerei emergit. Insigni pollet Capite, si reliquo corporis comparetur, hocque coracino. In dorso, & continuatis lateribus protuberantias habet, quarum extrema oblongis pilis, & Ziziphinis horrent, ita ut vera videatur Eruca: hæ vero patentiores sunt in prægrandi Eruca, quæ à Nostratisbus *Pinus* dicitur & ab Aldrovando nostro describitur lib. de *Insect.* in 3 Tabula, sub Figura 9 & 10. à cuius dorso miro ordine tuberculæ quædam, seu papillæ, numero septuaginta octo, assurgunt, quarum extremitas, quasi *cyrneo* ornatur, unde spinæ pilorum loco quandoque 7, interdum 10, excent, quæ in longum productæ ovali quodam capitulo terminantur.

Statim ac luce fruitur *Bombyx*, tenella *Mori* folia voraciter edit, excitatis exiguis foraminulis; & fericos plexus in ipso vitæ limine, eructato stamine, promit, quo interdum tota corporis moles suspenditur. Indies autem auctus sensim novum induit colorem; nam subalbus ille seu cinereus color, in primo tantum annulo deprehensus, in quinto etiam emergit, & sensim in contiguos extenditur: intermedii autem annuli, à quibus anteriora erumpunt crura, Ziziphina redduntur, sicut & reliquum corporis ultra quintam incisuram, q

litescente colore, cinereus redditur habitus, harentibus tamen minimis quibusdam Ziziphinis stigmatibus, ex quibus, & subviridi deformato alimento, cutis inficitur, non parum ad hoc etiam conferentibus exaratis protuberantiis, pilorum serie conspersis, & fuliginosum adhuc servantibus colorem. Propè tamen primum somnum, capitis & crurum color ita remittitur, ut de toto perlatus evadat; quod etiam accidit tuberculis, indeque exortis pilis, quæ cùm proportionale incrementum non subeant, pàrum obscurantur. Exarata hæc dierum circiter decem curriculo peraguntur; Bombyces enim, quos mense Majo educavi, undecim dies ante primum somnum insumpserunt, reliqui, qui ter in anno folliculi fabricam edunt, sub fine Junij enati, decem vigiliae diebus contenti vixerunt; & postremò, decadente Augusti mense suborti, nonum tantum diem insomnes attigere: quæ tamen temporum mensura, ex varia tempestatum locorumque natura, & cibandi norma, non parum immutatur.

Jam in promptu *Quies* occurrit, quæ ultra diem quandoque extenditur; qua cessante excutitur Sennium, quod jam decisum, inter subiecta mori folia conspicitur, cùm ratio, ob Vermis exiguitatem, adhuc delitescat.

Bombycis *magnitudo*, post excussam primam senectam, ea est, quæ hic describitur: novus corporis habitus albidus candido veluti furfure aspergitur,

Tab. I.
Fig. I.

gitur, præcipuè in superioribus annulis; extremitas autem fuliginosis quibusdam maculis inficitur, & cauda, pedes; anique appendices Ziziphinæ redduntur. Novum Cranium, tripla portione auctum, cinereum colorem, cum modica flavi mixtura, illico refert; transactis tamen tribus horis obscurius fit, velut Cydoniorum carni accidit. Immobilis hæret *Bombyx* extremo præcipuè corporis, solumque dimovet caput, nec appositum per diem devorat folium; voraciter tandem cibum captat, terque in die nutritur.

Bombycum Alimentum Morum fuisse, longa temporum traditione constat. Duplex autem est, Nigra scilicet & Alba; illa rotundis folijs & in acumen desinentibus constat, quæ solida pollent substantia; hæc verò delicatior est, & citius adolescit, folia angustiora & oblonga magis habet, hæcque teneriora. Peregrina quondam fuit *Morus* in *Italia*; observant enim, apud priscos *Latij* authores nil de ea traditum inveniri. In nostris finitimisque regionibus *alba Morus* pro *Bombycum* alimonia usurpatur (nec nisi in summa inopia *nigræ* offeruntur folia, adulto etiam *Bombyci*;) unde ex teneritudine sericum stamen molle gignitur. In *Sicilia* & in nostris quibusdam montibus *nigra Morus* ex usu est, indeque solidius filum eruitur. Ut autem diversis rebus alimoniam compararem, mollia *Lauri* folia, *Vitis*, quin *Ulmi* & *Rusci*, pluries exhibui; transacto autem altero die convulsi interiere,

interière Scio, *Laetucæ* folia, primis diebus exhibita, alimentum tenellis adhuc Bombycibus apud quosdam extitisse, sicut & tenera *Rusci* folia.

Continuata igitur *Bombycis* nutritione, Cranij color saturatior redditur, ut coracinus iterum redatur. In dorso tubercula erumpunt, ipsorumque extrema brevibus stipantur pilis: superior corporis portio argentea, reliquum verò spiralibus fuliginofisque maculis, annulorum latitudinem excurrentibus, condecoratur.

Ut plurimum quatuor dies cum dimidio ante novam quietem insumuntur; mense autem *Julij* quartus non attingitur dies: imminentे otio, à cibo abstinere incipit, illudque durat per diem integrum cum dimidio, & novum excitatum cranium *Achatis* colorem conservat. Ejus dimensiones hīc habetis. Recens corporis color tubalbidus *Ziziphinis* maculis, hisque saturationibus aspergitur, in quinto pariter & octavo annulo; in medio dorso bina erumpunt stigmata inversos semicirculos representantia. Aucta insuper nutritione oblongius redditur corpus, coriumque quasi diaphanum, ita ut subjectus foliorum color emergat. Transacto triduo, si *Julij* mense nutriantur, iterum tertio in somnum prolabuntur. Autumno autem, & Vere in longius protrahitur hoc spatium, cum in hoc quinque insumantur dies. Imminentis somni prodroma signa emergunt, quæ in antecedentibus mutationibus ob sui exiguitatem, non ita facile in oculos

Fab. 1.

Fig. 2.

oculos intuentium incurrebant. Toti itaque corpori, & præcipue superioribus annulis diaphaneitas quædam cum aliquali luciditate ex subjecto fortè icore supervenit. Corpus in dorso ad secundum, tertium, & quartum annulum impensè surgit, ut ipsorum, alioquin conspicuæ, rugæ delitescant. In membranæ interstitio, inter cervicem & primum annulum locato, triangularis quædam macula cinerrei coloris cum levi flavedinis mixtura erumpit: hæc basi supra cranium firmata, opposito angulo, dorsi medium designante, secundum attingit annum; nec diu durat hæc figura, sed sensim productis lateribus, veluti Zona extenditur, quæ parum ulterius progreßa saturatiōri inficitur colore. Diu hæsitavi, quidnam esset hoc phænomenon, videbaturque arridere, solam esse portionem elongati extensique corij, quæ alias continuata cranio, sub primo annulo revoluta obscurari solebat; cùm tamen in quiescente Bombyce rudem quandam diaphaneitatem in Cranio observarem, inde credidi, enascentis capitis & sub primi annuli corio latitantis verax esse signum, cùm antiquum caput, novo comparatum, longe minus sit; non enim quartam ipsius æquat portionem: nec me fefellit opinio, disrupto etenim quiescentis Bombycis corio, antiquum Cranium jam vacuum valde ab erumpente distare comperij, unde sub primo latitans annulo exteriorem hunc producebat colorem.

Futuram insuper quietem indicant, abstinentia à

à cibo, capitis elatio, (quæ quasi stolidos arguit,) corporisque moles, brevior & contractior redditæ; his enim apparentibus, vermis perquirit recessum, ut quietius ibidem jaceat, quo conquisito immobilis hæret, inclinato versus humum capite, quod interdum ad superiora attollitur, vel ad latera curvatur. Diei unius spatio cum dimidio ita cubat, quo transacto excitatur, hinc inde jaætatur, totus convellitur brevior redditus, & externum ipsius corium in rugas & plicas, & præcipue annulorum interstitia circumvolvuntur, latera etiam celeri contractione corrugantur, tantusque est labor & angor, quibus cum, antequam excutiat senum, luctatur, ut immutato ex subalbo in coccinum corporis habitu supinus decumbat per aliquod tempus, & tandem sejunctum à recenti corium, longa pedum jaætatione, excutere incipiat, facta circa cranium separatione, & deductis per latera nigris quibusdam quasi lineis, quæ Excorætationis progressum exhibent. Ut postremo senectam ex toto abjiciat, extremum corporis cohabet, sursumque viscera abigit, ita ut propulsæ superius corporis pars vi prementium inferiorum, per excitatam paulo ante cicatricem erumpat, quæ dum tensa permanet, suo tumore in rugas contractum & complicatum antiquum corium in infernas necessariò repellit partes: quod successivè in singulo annulorum tractu peragitur, donec ad extremum corporis convolutum protrudatur, à quo postea, confriicatione circa adjacentium angulos repetita,

33 Enysk
 Et proo

tita tandem excutitur. In hoc supersunt ungues, pedum vestigia, appensæ in lateribus lineæ, quas ligamenta seu umbilicalia vasa incongruē crediderunt nonnulli.

Quis tamen tam laboriosam Metamorphosim, renovato capite, dentibus, corio, pilis, & forte quibusdam musculis, Somnum appellat? Ego mallem soporem, vel veternum, vel vigilandi saltem impotentiam dicere, cum necessario tot morborum clades & labores, qui Senij excussioni præire solent, accedant. Nec novum in natura existit, ex sola dentium eruptione febres & sopores excitari, ut paſsim in pueris experimur, in quibus, ultra convulsiones, ita turbatur corporis Oeconomia, ut diu absque cibo interdum semi-mortui jaceant infantes. Quare, ut probabiliter reor, *Bombyces* singulis suæ vitæ diebus somni & vigiliæ vicissitudine gaudent; etenim ut plurimum à cibo, diverberato diu ad latera capite, deinde ad superiora erecto, immobiliter hærent per horam & alteram, & interdum dejecto capite cubant, quod bis in die repetitum vidi; quin & percussi licet excitentur, iterum tamen in pristinum relabuntur somnum, reliquum vero diei jactatione & motu progressivo iussumunt.

Exarato defessus jam labore *Bombyx*, donec novis dentibus utatur, quiescit, & transactis horis apposita olefacit folia, quorum extremos fines tenellis adhuc dentibus degustare tentat; sed excitato forte

forte dolore abstinet, iterumque decumbit per diem
absque cibo, quo transacto demum renutritur.

Vermis *magnitudo* illa est, quæ hic describitur; Tab. 1.
Fig. 3.
ejus *Color*, margaritæ, absque luciditate tamen, fe-
rè similis. Prope caput, in primo annulo fuligi-
nosa quædam, sed brevis, linea in dorso erum-
pit: Pili, humiliorem annulorum partem orna-
tes, oblongi, diaphanique emergunt: Cranium,
pilis hirtum, *Achatis* colorem fere refert; Cauda
Ziziphina erecta manet: eundemque colorem
possident pedes & ani appendices: copiosæ per
transversum plicæ in motu erumpunt, ut jam no-
vum animal, excussa *Eruca* forma, videatur. To-
ta tamen novitatis ratio, quæ *Bombycem* à priori
Eruca statu diversum efficit, in eo tantum consistit,
ut fuliginosæ illæ priores maculæ dissipentur,
pili, tubercula jam conspicua dorsumque ornantia,
parum delitescant. Scio tamen, prope etiam ul-
timum Senium primæva tubercula, quæ *Eruca* na-
turam indicare credebantur, adhuc Microscopio de-
tegi, pilorum copia conspersa; minora autem jam
redduntur, ut censeo, ex animalis subsequenti in-
dies augmento, cum laxatis externis tegumentis
fuliginosæ particulæ, quibus corium inficiebatur,
laxius diductæ, non atrum amplius reddunt cori-
um; eadem etiam de causa, quoniam aliò rapitur
cutis laxitas, tumores, & tubercula in primordiis
luxuriantia pené delitescunt.

Quatuor vel quinque dierum termino, juxta Tab. 1.
Fig. 4.
C 2 Aeris

217
Euphorbz

Aeris temperiem, abunde nutritus, emergentibus futuri & postremi Senij nuntijs, per duos cum di-midio dies torquetur, postremaque exerit senectam, ejusque moles hæc est. Firmatis interea mox emersis partibus, totus cibationi se tradit, unde brevi nova moles longe major redditur, & quasi ad consistentem ætatem proiectus, suarum partium perfectam absolutamque copiam habere videtur; & quoniam opificium, metamorphoses, aliaque ab eodem mirè edita, inferius rimanda veniunt, ideo minimarum mirabiliumque *Bombycis* partium Historiam, rudi licet stylo exaratam, addere placuit, ut singula, prout permittitur, pateant.

Tab. I. *Bombycis* primò occurrentis externa configuratio
Fig. 6. oblonga est, qualis hic habetur. Vermium more, undecim compaginatur Annulis seu Incisuris, quarum extremis, Caput & Anus, cum appendicibus, aptatur. Primus annulus A, capiti contiguus, quia analogam cum cervice servat extensionem, si cæteris comparetur, minor est. Ab hoc bina in humiliori & prona sui parte B. exigua crura erumpunt. Subsequuntur bini annuli C. D. qui longe majores, quin & interdum maximi, si cum cæteris conferantur, censendi veniunt. Horum superior portio E, quæ dorsi tuber æmulari videtur, conspicu-
Tab. I. is insignibusque rugis asperatur; quarum. *Iconem*
Fig. 7, 8. addidi; hæ, ante folliculi fabricam, violaceo, cum modico xerampelini coloris, suffunduntur. Sub- sequens

sequens quartus annulus F, servata priorum proportione, parum decrescit, & præcipue extremitate illa, qua quinto G. nequitur; qui & ipse angustior redditus, corporis hanc regionem parum cogit. Subsequuntur quintus H, sextus I, septimus K, & octavus L, quorum tres anteriores H, I, K, paulo auctiores redditi, ventris aliqualem formam referunt; ultimus tamen L, sensim imminuitur; reliqui extremi bini annuli M, N, proportionali ordine imminuti, alvi extremum gracile reddunt; postremæ autem incisuræ tria. appenduntur corpora O.

Annorum *figura*, ubi crura non erumpunt, rotunda est, in humiliori autem ventris parte pedibus intercepta rectitudinem acquirit, ita ut totus annulus arcum chordâ retractum æmuletur: dorsi enim & laterum partes curvantur, reliquæ diriguntur; turgente tamen insigniter ventre, & ipsæ tument.

Quælibet Annorum pars non eandem sortitur magnitudinem, ita ut ex ipsorum contigitate linea per dorsum ducta rectitudinem servet, sed ut plurimum è singulis Annulis media quælibet portio elatior assurgit; cæteræ, hinc inde locatæ, humiliores parum subsident, ita ut ex harum serie fiat *Ellipsis*.

Annorum Substantia membranæ est, & valida, nondum tamen Cartilaginea; hæc, cum non ubique similis sit, in singulo quoque annulo duplensem

aphand
Coy

plicem videtur sortiri naturam, ob geminam partem, quæ in ipso observatur; altera enim annuli portio superior est, quæ majorem duritatem, & soliditatem nancisci videtur, & per paucis rugis asperatur, quamvis valida succedente contractione bini sulci excitenter, quibusdam punctis, à quibus erumpunt pili, descripti: subsequens annuli pars eandem fere latitudinem & extensionem sortita, tota in plicas ad animalis libitum adducitur. Hæ rugæ ut plurimum in grandioribus annulis quatuordecim & quandoque plures sunt, & per longum annuli ductæ non totum explet circulum, sed ab occurrentibus consimilibus parum deviæ delitescunt.

Tab. 1.
Fig. 9. Harum quidem fines in recurvatas inferius positas rugas absuntur. In grandiori Eruca, superius citata, quilibet annulus octo compaginatur minoribus annulis, qui invicem contigui latitudinem annularis digiti æquant; hi, abbreviato animalis corpore, in arcum singulum attolluntur, & ita tota annuli latitudo arctior redditur.

Bombycis *color* ex enarratis jam patet; ea enim annulorum portio, quæ rugis exaratur, ob suu tenuitatem subjectorum refert colorem, & in seipsum revoluta *Achatis* colorem exhibit: reliquum corporis subalbum, & fere argenteum est, præter maculas quasdam P. in quinto & octavo annulo excitatas, quæ dupli describuntur linea, quarum interior cærulea est, exterior verò parum fuligino-sa: in quibusdam verò Bombycibus fuscæ quædam

dam copiosæ maculæ totum fere replent habitum,
ut parum argentei emergat.

Extremis lateribus hinc inde nigra quædam
stigmata Q. per longum infixa observantur, quo-
rum accurrior descriptio & usus inferius habebi-
tur: hæc decem & octo sunt; singuli enim annu-
li bina habent, præter secundum & tertium. Sub
his copiosæ rugæ R. per longum ductæ, insignes &
recurvæ erumpunt, pilisque oblongis & diaphanis Fig. 8, 9.
ornantur; verlus extremum corporis in ultimo an-
nulo e medio dorſi cauda S. erigitur instar styli, qui Fig. 6.
in implantatione latior, sensim gracilescit, ultra ta-
men medietatem arctior redditus in Conum de-
finit.

Extremo Annulo tria appenduntur corpora,
quæ ad libitum diducuntur, & simul coeuntia cor-
poris ultimum claudunt terminum. Nam à medio
dorſi deorsum inclinata pendet carnea quædam Tab. 1.
portio T. quæ ani foramen tegit, & in egestioni- Fig. 10.
bus sursum attollitur: huic bina adstant corpo-
ra V. consimili conflata substantia, quæ oblonga
& angulari ipsorum portione verlus medium pro-
ducta, reliquum extreimi corporis muniunt, eique
fulcimen & motum præbent: hæc in grandiori E-
ruca solidioris substantiæ sunt, & quasi cartilagi-
neæ, mireque colorantur.

Remanet exponenda capitinis *Exterior* constitu-
tio. Cranium primo annulo appenditur, seu ma-
gis ab ipso erutum emergit. Corpus est subro-
tundum

Tab. I. tundum, parum tamen depresso, in superior
 Fig. II. præcipue parte; binis semisphærulis A. ovalibus
 cōpaganatur, unde angularis quædam portio B.
 intercipitur, quæ Lambdoidalem æmulatur figu-
 ram; ab hac rugosa quædam pendet quasi car-
 nea zona C, rugis excavata, quæ pro animalis li-
 bitu in se ipsam retracta, sub Cranio non parum
 delitescit, & frequenter exeritur, secumque re-
 trahit labium D, ni linguam dicere velitis, quæ su-
 pra Os pendet. Sub his Oris cavitas aperitur ami-
 pla, & ab osseis hinc inde locatis mandibulis E. clau-
 ditur. Inferiorem Oris partem pendula &
 parum acuminata occupat substantia F, Men-
 ti instar, cuius humiliorem partem partum acu-
 minatus tenet stylus. Hinc inde in humiliori loco
 maxillares bini processus G. solidi locantur, qui
 una cum Mento, ad libitum animalis, sursum, &
 intro etiam parumper rapiuntur. In anteriori par-
 te, ad latera tamen, globuli H. quidam, numero
 sex, diaphani protuberant, qui Oculi censentur.
 Ab his parum distant bini Mamillares quasi pro-
 cessus E, descriptis majores, à quorum finibus bi-
 ni exeunt pilæ. Singula autem hæc ex inferius di-
 cendis magis patebunt. De hoc tamen interim Vos
 monitos volo, me scil. proportionalem magnitudinem
 non perpetuò servasse in partium iconibus, sed in-
 terdum, facilioris intelligentiæ gratia, quasdam figu-
 ras auxisse.

Totus corporis habitus pilis conspergitur una
 cum

cum capite : hi miro ordine implantantur, colore
pollent Ziziphino ; qui vero circa crura, & ru-
gas insignes, mox delineatas, locantur, lucidi, &
argentei sunt, moleque sua cæteros, per dorsum
& ventrem disseminatos, superant. In dorso, ubi
pili implantantur, cærulea quædam stigmata non
rarò deprehenduntur, quibus pilorum radices am-
biuntur.

Bombycis corpus multiplicibus fulcitur cruribus,
hisque diversis ; versus enim corporis medium à
sesto, septimo, octavo, & nono annulo, quatuor
crurum paria hinc inde in humiliori parte erum-
punt : Eorum figura rotunda est, & latiori sui par-
te à ventre emanans, internodium seu flexuram
patitur. In hac eadem parte cavitas interdum ex-
citatur, ut retractum crus intus cum appenso pede
obscuretur ; reliquum cruris binis ulterius articula-
tionibus flectitur, & tandem in pedem desinit, qui
recurvis unguibus mirè munitur.

Talis est appensi *pedis* structura. Ab extremo cru-
ris, ubi in parte exteriori semicirculus subniger, &
quasi osseus describitur, & in citata superiùs Eruca, r. b. 2.
nigra quædam Zona, quasi ex villuto seu villoso, Fig. 1.
serpit, pes A carneus erumpit, qui semisphæræ
parum compressæ formam habet. Ambitus autem
ejus protuberans pars à bino unguium ordine B,
qui, cinguli instar vel semicirculi, juxta longitudinem
corporis deducti, parùm versus interiora
declinat; unde ex hoc segmento licebit pedis par-

tes discriminare : pars porro, quæ ultra unguies exterius seu foris locatur, C, *Sylvestris* appellabitur, opposita scil. *Vola*; quæ vero ultra segmenta interiora versus exporrigitur, D, *Vola* nominabitur, quæ tamen minoris latitudinis est ac sit opposita.

Vola & *Sylvestris* portio, ad animalis placitum, diversis suæ indigentia temporibus gracilescunt, moxque protuberant; nam interdum pars *Sylvestris* turget, totaque eruitur à cruris profundo; interdum, ut in *polyporum* acetabulis seu cirramentis, intro retracta delitescit, quod in *Vola* etiam proportionaliter observatur. Ex quibus motibus, qui frequenter & celerrime contingunt, varius pedum & unguium situs, & robur, oriuntur. Tres tamen ipsorum præcipuas positiones pro facilitiore intelligentia collegi, iconibusque exponere tentavi.

Primo *Bombyx*, quod frequentissime agit, deductam pedum *Volam* A. versus interiora tegit, pars vero *Sylvestris* B. extra tota erumpens, turget, recurvata versus interiora; unde unguis C. apicibus versus ventrem diriguntur, & ita constitutus pes ineptus redditur ad apprehendendum. Mox deductis unguibus ad medium, & ad oppositam

Tab. 2. fere partem, tota quasi *Sylvestris* portio B. intra Fig. 2. cruris cavum rapitur, & parum eminet *Vola* A;

Fig. 3. & unguis curvo apice versus aspicientium oculos eriguntur; unde hoc etiam situ inefficax est pes.

Tab. 2. Fig. 4. Deductis tandem ad extra Unguis, parumque *Sylvestri*,

Sylvestri patente B, quæ crispa redditur & gracilis, Vola versus interiora erumpens supra apprehensi corporis superficiem turget, & unguium recurvi apices objecto ita applicantur, ut fortiter detineant, tantaque fiat adhæsio, ut Animalis molles tuto suspendatur.

Unguium substantia ossea est, solida, & quasi fulva, eamque sortitur figuram, quæ hic describitur. Numero plures sunt ungues, ut plurimum in singulo pede quadraginta. Disparem magnitudinem sortiuntur, & dupli sub ordine æquidistanti locantur. Grandiores à Volæ confinio, i. e. ab interiori parte orti, supra ipsam inclinati, versus exteriora deducuntur, & tandem elevati in recurvos apices desinunt; minores vero ab eodem orti termino, inter priores eodem ritu serpentes, æquali perpetuo servata distantia, cùm non eadem polleant longitudine, non eundem sortiuntur finem, sed paulo infra terminantur recurvato apice, ita ut per acuminatas unguium extremitates protractæ lineæ parallelas referant, pedis ambitum secantes. Hinc inde ab ano extremæ jam exaratæ appendicis, crurum munus explent, binosque pedes promunt, jam descriptis consimiles.

Prope caput in primo, secundo, & tertio annulo, tria crurum vel brachiorum paria situantur, non inæqualis in totum magnitudinis. Eorum figura

Tab. 2.

Fig. 6.

Conum æmulatur. Implantantur in his annulis latiori principio, quod à copiosissimis rugis excipi-

D 2 tur,

tur, una retracta etiam obscurantur : tribus gaudere videntur internodijs, quibus ad interiora precipue flectuntur : Horum extremitas unco, versus interiora, armatur, cui ex diametro ossei styli opponuntur, in cæteris autem articulationibus bini pariter styli recti implantantur.

Indicata Bombycis

Lustratis Bombycis exterioribus, supersunt *interiora*: Disciso itaque corio, quod superius expositum est, *Icor* quidam subflavus erumpit, qui manuum calore vel etiam ipso igne leviter concrevit, crustamque relinquit. Hunc probabile est ab officinis alimenti derivari, & per meatus, vel vascula per cutem dispergi ; quamvis elixati Bombycis & Aureliæ ventrem hujusmodi concretus succus una cum visceribus replete, ut in *hydropicis* accidit.

Diducta cute, altera supereft Membrana subrosea, & mucosa. Hæc probabiliter nova cutis est, quæ discusso Senio, vel Bombycis forma, emersura est ; quin & reliquas, quæ jam excusse sunt, simul extitisse dubito. In prægrandi citata Eruca evidenter rosea est, & ipsius varij emergentes colores in externo apparent corio. Interior hæc tunica, una cum corio, si lumini objiciatur, translucentes quasdam lineas, transversum Bombycis tenentes, exhibet, quæ rugis & surculis corium excavantibus excitantur. Inter has rugas rotunda quædam spatia quasi diaphana eluent, quæ pilorum radicibus circumducuntur.

Exarata

Exaratae Membranæ, seu corio, arcte hærent carneæ fibræ per longum deductæ, quæ revulsæ ad latera visceribus patent: hæ per longum corporis exporriguntur, & incisuris, ea præcipue in parte, ubi singuli annuli necuntur ad invicem, arcte figuntur. Ipsarum color carneus est, & subalbidus, ceu cinereus; figura verò subrotunda; attentius tamen lustratae, unaquaque ipsarum, filamentorum fasciculum, vel saltæ exiguarum quasi cordarum plexum exhibit: & in quodam Bombyce, iam extinto, parumque convulso, singula hæc filaments non rectæ nec sibi parallela, sed quasi spiras efformantia conspiciebantur; quod & in tendinibus quorundam musculorum in prægrandi animali non raro observavi. Fibræ hæ multiplices sunt, variamque inclinationem sortiuntur, unde pene diceretis contextos musculos, quorum seriem, & situm recolligere impossibile videtur, ob eorundem exilitatem, fragilitatem, & perpetuam contractionem, quibus implantatio & exortus obscurantur. Hoc tamen videtur minus dubium, in unoquoque annulo determinatam adesse musculorum seu fibrarum collectionem, qua ipsius latitudo undequaque co-operiatur; præter angustum & oblongum quoddam spatium, longitudinem dorfi excurrens, in quo non observantur. Quare in interiori corij regione, quæ ventriculum aliaque viscera ambit, rectæ hæ fibræ excurrent, ab extremo corporis ad aliud extremum productæ:

B
probœ

productæ: In singulis tamen intermedijs annulorum confinijs, ubi inferior annulus in progressivo motu anterioris cavitatem parum subintrat: hæ musculorum fibræ arcte hærent, ibique alte inse-runtur, velut in musculorum vulgarium finibus accidit; hocque successivé contingit, ita ut hæreatis, an eadem sint fibræ, quæ tot continuatos musculos promant, an verò sint diversæ, eodem ordine se invicem subsequentes. Certum tamen est, licet valida fibrarum applicatio & nexus in interstitijs annulorum, ut ita dicam, succedat, earum plures ulterius ad subsequentes etiam annulos elongari, servata continuitate; quod in elixato Boynbyce præcipue fit manifestum: & si Atramentum affundatur, nigrefacta spatia, hinc inde fibras ambientia, superata incisuræ parte, ubi altè figuntur, à superiori in Inferiorem annulum rectâ, & eadem servata proportione, deducuntur; quod idem accidit interceptis fibris, etiam in valido illo nexo, cum ipsarum continuitas ut plurimum non tollatur, nec obscuretur, licet in aliquibus non ita patcat.

Exteriores fibræ, & quæ primò oculos incurvant, non sibi invicem parallelæ, nec perpendicularares sunt, sed aliquæ contiguis lateralibus occurrentes obscurantur, quod parum longe ab incisura contingit; aliæ verò, & quæ præcipue circa medium dorsi, ubi oblongum arctumque spatiū locari diximus, proximæ excurrunt, versus ipsum

Exemplar
per Roj

ipsum parum declinant, ita ut in singulo quoque annulo quædam suum sortiantur finem, & ita quasi *pyramis* fiat. Etenim in superioribus annulis versus caput, ex fibrarum applicitis finibus basis efficitur; & quoniam deorum deductas fibras hasce versus medium dorsi inclinari diximus, hinc est, 'quod ex successivis ipsorum finibus ad medium dorsi, fit pyramidis latus, & tandem angulus; quod in grandioribus præcipue Erucis observatur.

Sub descriptis *rectis* hisce fibris, aliae subsequuntur, *obliquæ* tamen, quas in Bombyce difficultum est attingere; interdum tamen aliquas in tabidis & elixatis translucere vidi. Ut autem ipsorum & subsequentium etiam fibrarum rudem aliquam notitiam habeatis, configiendum nobis erit ad grandiorem jam citatam Erucam, quæ ob sui magnitudinem minus obscuros habet musculos: non tamen tanta est ipsorum moles, cæteraque ita consentiunt, ut dilucidè singularum fibrarum versus & certus habeatur terminus: quæ vero ex plurimum sectione minus dubia collegi, sub unius tantum Annuli Icone exarabo. Et pro facilitiori notitia recolligendum est, quod superius habuimus, in hac grandiori Eruca singulum quemque annulum quasi insignibus rugis constare, quæ, dum ipsorum latitudo arctior redditur, parum assurgunt, & ita totus annulus his rugis compaginatus breviatur.

Primò

Tab. 2.
Fig. 7. Primò itaque fibræ rectæ A. occurunt, quæ totum annulum co-operiunt, & à supremo ejusdem deductæ, implantantur in subsequentis incisuræ proximam partem. His ablatis, in conspectum veniunt obliquæ B, quæ eosdem sortitæ terminos, non omnem tamen annuli capacitatatem occupant, sed graciles videntur musculi, longo intervalllo disti-
ti, ad extra inclinati. Subsequuntur obliquæ C, in oppositum inclinatæ, quarum portio, amplior ta-
men, versus medium dorsi D. deducitur ; reliqua
verò, annuli inferiorem & superiorem portionem attingit. Triplices hi fibrarum ordines perpetuo in singulis incisuris patent ; cæteri autem, utpo-
te minores, quia in diversas ejusdem partes desti-
nantur, & profundius etiam locantur, nec perpe-
tuò ipsis à natura unus statuitur situs, ideo non
parum variant in insertione & numero. Sub exara-
tis fibris ascendunt parum obliquæ E. quæ supe-
riori extremitate in secundam rugam desinunt, &
harum tanta est copia, ut insignis fiat musculus.
In aliquibus annulis succedunt descendentes F, quæ
ad sextæ rugæ confinium terminantur. Post has
emergunt obliquæ ascendententes G, ad medietatem
annuli exorrectæ, & in latissimum expansæ mus-
culum. Tandem occurunt his subjectæ obli-
quæ ascendententes H, quæ in quinta ruga absun-
duntur ; & postremò sub his latet exiguus quidam mu-
sculus I. super extremam rugam extensus.

An ad singulas plicas alij ulterius à superioribus
exorti

exorti transmittantur musculi, adhuc ambigo; hoc tamen saepissime observavi, extremos enarratorum musculorum fines, sicut in perfectioribus etiam accidit, inaequales esse, ita ut ab uno binæ attingantur rugæ. In Bombyce recti quandoque musculi inaequali suarum fibrarum longitudine pluribus unius annuli rugis appenduntur. An singuli hi breviores musculi sint productiones rectorum, & quasi flexæ ipsorum extremitates, dubitari posset: cum in *Cancrorum* mirabili cauda, inter rectas fibras contorti quidam, veluti cordæ, fibrarum fasciculi, à supra annuli parte orti, illico ac subsequentem inferiorem attingunt annulum, obliquentur, & ad ipsius medium desinant. His accedit, interdum (ut saepius habui) circa annularum interstitia rectas fibras obscurari, & externas parum obliquatas subire.

Musculorum ope Bombycis motus subsequitur, cuius exteriora *Phænomena* hæc sunt. Postremi Bombycis bini pedes, ab appendicibus ani erumpentes, ante-gradiuntur, & tunc corrugati & tensi redduntur extremi duo annuli: ex progressu deinde facto à binis paribus subsequentium crurum enarrati annuli elongantur, & ipsorum rugæ extenduntur; proximi autem bini annuli crispantur & turgent: detumescunt autem, & longiores fiunt motis reliquis cruribus, quibus inferior alvus firmatur; tandem motis minoribus pedibus, vel brachijs non longe à capite locatis, quadrupedum

(26)

more, contracta mox corporis portio ulterius rapi-
tur, & demum caput antè exporrigitur, & ita Bom-
bycis progressivus subsequitur motus.

Sub exaratis fibris ex rectitudine stigmatum,
quæ hinc inde in singulis annulis, præter secun-
dum & tertium, excitari exterius, jam habuimus,
ortum trahunt mirabiles quædam *vasorum* propa-
gines, quæ singulas corporis partes irrigant. Hæc
conspicuo trunco carent, sed in singulo quoque o-
rificio decem & quandoque plures grandiores ra-
mi, in communem hiatum desinentes, cicatrici ex-
aratae aptantur, ita ut in Bombyce decem & octo
sint hujusmodi ramorum plexus seu exortus. Ab
Tab. 3.
Fig. 1. hoc hiatu igitur, seu mavis brevi truncō A. bini
exorti circuli B. in inferius & superius locatos de-
ducuntur plexus, ita ut mutua fiat Anastomosis
à capite ad imum. Ab eodem pariter fonte tres
elongantur circuli C. qui corporis habitum &
musculos ipsos mirabili efformato reti pervadunt;
contigi vero D. vicina ambient viscera: Reliqui
E. in ventriculum, cor, ventrem, aliaque proxima
deducuntur, & in medio proni ventris occur-
rentes hujusmodi oppositi rami evidentem Anasto-
mosin patiuntur. Propagantur hæc *vasa*, Arteri-
arum more; sensim enim à suo elongata truncō
gracilescunt, & frequentes hinc inde geminant
ramulos, qui ut plurimum reticulares plexus, ut
in arborum foliis observatur, efformant; quod præ-
cipue inter musculos, & corium mirari licet, ubi
tanta

tanta est fructicatio horum vasorum, tam miræ implicationes, ut nil pulchrius conspici possit. In singulas corporis partes exporriguntur, ut nulla ipsius sensibilis conspicatur portio, quæ vasculorum horum propagines non admittat. Vasa hæc cæruleo seu plumbeo pollent colore, qui sensim argenteus efficitur, varius tamen in consimilibus insectis conspicitur, ut plurimum argenteus est, vel *perlatus*, interdum palearis, vel aurei suffunditur mixtrâ.

Horum substantia membranæ est, cum hoc tamen, quod annulosis hisque solidis firmetur, ita ut in quocunque situ secta, aperto pateat ore, unde ex his & inferius dicendis conjectatus sum, tracheas esse, quæ suis productionibus *Pulmones* efforment, & exaratas Bombycis incisuras binis pollere pulmonibus. Totum hoc consimilium Insectorum indagine firmatur.

In *Cicadis* talis est ramificatio: Conspicuus ramus A. qui cum exteriori cicatrice communio nem habet, in minores subdividitur circulos, qui sensim in ovalem extenduntur vesicam B, eadem continuata substantia; hæc, altera extremitate constricta C, iterum vasis naturam subit; quam metamorphosim sèpius repetit, & tandem extremis finibus, sibi invicem occurrentibus, Rete efformatur, quo viscera, aliaque foventur.

Huic analogam tracheæ seu pulmonum configurationem in *Lucano* seu *Volatili cervo* placuit

E 2 addere

L. Rupelae
rect.

addere, in quo vesicæ A à trachea B pendent, eadem excitatæ substantiâ, ita ut *Pulmonis* Icon habeatur, qui & ipse, in perfectis animalibus, membranosis sinibus & vesiculis conflatur, quæ continuatæ tracheæ appenduntur ; seu potius tracheæ membrana, ubi annulorum angustiâ coeretur, tubos efficit, ubi autem liberior redditur, in vesiculos laxatur.

Tab. 4. In *Locustis* talis est tracheæ productio. Ab exteriori orificio, annulis infixo, arctum pendet tracheæ caput A. quæ dorsi latitudinem in altero latere excurrit, in amplum & capacem extensa tubulum B, qui contiguis communicans minori quadam râmo, tandem acquisitâ vasis naturâ, arctiori tubulo minimas ulterius, ad Cor præcipue, promit ramifications.

Parum absimiles tracheæ productiones mirari licet in *Vespis*, *Apibus*, alijsque consimilibus insectis; ex quibus elici potest, exarata animalia nostrum que Bombycem non tantum pulmonem habere, sed ita abundare, ut fere *singulus* ipsorum annulus duobus polleat, quin & singula quæque pars etiam viscerum, derivatis pulmonibus gaudeat.

Descripti *Pulmones* proprium habent orificium, quod in Bombycis lateribus extare diximus, ita ut singuli quique annuli, præter secundum & tertium, duobus polleant hiatibus. Hi, nigra circumambiente zona ornati, nudis oculis patent; eorum tamen structura altiore requirit indaginem. Pro-

ut
erobbs

ut autem in citata Eruca alijsque consimilibus
liquet intueri, talis est. Extimum corium stig-
matibus ovalibus hinc inde pertunditur: hæc
per longitudinem annuli infiguntur, ita ut acumi-
ne versus humiliorem ventrem dirigantur, altero
autem versus dorsum. Cutis extremitas A, cicatri-
cem designans, nigra est, & parum reflexa, & con-
tentio tracheæ capiti unitur, quod ovale hoc spa- Tab. 4.
Fig. 2.
tium replet, in cuius medio scissura B, per longum
ducta, observatur, quæ identidem à recta declinat;
relicuum spatij fibrulis C, cinerei coloris, reple-
tur; hæc ab exteriori cicatricis ambitu exortæ, recte
versus scissuram deducuntur, & quadam Analogia
interstitium ciliare æmulantur, saltem in munere;
quare levi ipsarum contractione curvus ille hiatus
ita dilatatur, ut Aer pro libitu egredi, & subin-
gredi possit. Et licet vivente animali nunquam
hiantem deprehenderim hujusmodi scissuram, post
mortem tamen levi succedente exsiccatione ob-
longa patet via. Et ut veritati huic aliquid lucis
adderem, non-nulla tentavi, quæ licet non omnia
secundum præconcepta evenerint, ea tamen me-
moranda censeo. Immersis Bombycibus præcipue
in ardenti aqua, multum aeris sub bullarum spe-
cie ascendit, & quoniam interdum aeris portio
circa rugas hæret, quamvis prius aquâ madescant,
ideo non ea affulsit evidentia, quam exoptabat
animus; hoc tamen certum est, exeuntis Aeris
bullas è dorso, è rectitudine præcipue stigmatum e-
rumpere.

9 a Spargi

rumpere, & immisso Bombycibus jam extintis,
nullum ascendere aerem.

Aliud insuper tentavi : aspersis leviter, etiam penicillo oleo intincto, tracheæ singulis hiatibus, illico convulsum concidit animal intra *Dominicæ orationis* spatium. Et ut vulgatum illud de natura Olei, Insectis infensa, explorarem, varia molitus sum. Aspersis orificiis tracheæ superioribus à corporis medio ad caput usque, hinc inde, illico quasi paralyticus jacuit Vermis, nec secundum superiora loco movebatur, reliquam corporis motum servabat ; per noctem ita jacuit, mane revixit, etiam quo-ad superiora, & sensim nutritus, tandem folliculum confecit ; quod & in alijs comprobatum vidi. Aliorum insuper inferioribus tracheis, usque ad medium corporis, oleum assudi, & mox convolutionibus tentatae sunt oblitæ partes, quin & superiores particulæ, dum movebantur, reliquas veluti paralyticas secum trahebant ; cordis pulsus versus extremas partes rarissimus erat, & affectæ portiones mole sua non parum immutabantur ; & in his, quibus successit mors, ventriculi inferior portio impense coarctata erat. Horum aliqui binis transactis horis cibum gustavere, & statu tempore folliculum peregere. Inter hos unus vel alter, elapsis pluribus diebus, interiit : quidam autem post consuetos dies, quibus copiosius cæteri cibum sumunt, stamen emittere cœpit, sed brevi reliquo opere jacuit, tandemque obiit. Cæterorum tracheæ

cheæ orificia, modò sinistra in aliquibus, modò in alijs dextera oblinivit, & excitato quasi corpore vix movebantur; tandem expergefæctis superioribus partibus (nam in reliquo torpidior erat motus) cibum assumpsere, suumque opus perfecere, quod & feré singulis accidit.

Ut autem intimius rem hanc perspectam haberem, Ventrem, Caput, Os, & Dorsum, illæsis tamen tracheæ orificijs, sèpius oleo aspersi, nec unquam extinctos vidi, nec etiam inde sèva suborta symptomata. Quare interitum ex Oleo eatenus contingere conjeci, quatenus occlusis tracheæ orificijs, suffocatio, vel quid simile succedit; quod placitum subsequentibus tentaminibus firmatum volui. Butyro illevi tracheæ singula orificia, & illico periæ. Idem accidit usù Lardi, sevi, & similiū: nec adiposis tantùm & oleosis inest hæc mortifera vis, sed asperso melle liquido concidere; cum hoc tamen discriminæ, quod aliqui expergefæcti, interdum ipso, laterum frictione, deterso, revixere; hi vero, quibus altè hærebat mel, perpetuò jacuerunt.

Placuit eadem tentare in consimilibus insectis, ut in Locustis, Grillis, & hujusmodi, in quibus mors pariter successit. Hoc unum Vos monitos volo, Bombyces, qui affuso Oleo, vel consimili, illico concidunt, Cordis motum per aliquod spatiū conservare, nunquam tamen reviviscere, etiamsi aceto irrinentur, Solique exponantur; at

cos

eos, qui sub aqua etiam per horas stetere, non tantum cordis motum retinere, sed pristina vitæ munia reassumere: Unde conjectari licet, corpora, quæ detergi possunt à tracheæ orificijs, ut aqua, & similia, non ultimam inferre necem, sed illa tantum, quæ vel subingrediantur, vel arcte occludant, ita ut dimoyer nequeant. His accedant ea, quæ in vestra *Antlia pneumatica* aliás observastis, immisis hujusmodi insectis, quæ orbata aere interiere. Congruum ergo videtur, Aerem in hæc Bombycis vasa continuatim subingredi & egredi, ut in cæteris, quibus insunt Pulmones. An vero necessarius sit abdominis motus pro aeris accessu & recessu, esset perquiritendum; & cum nefas sit, Vobis dubia meaque mentis nudos proponere conceptus, illud tantum sensibus comprobatum Vobis offeram, ut inde philosophemini.

In Bombycis postremis tribus annulis circa dorsi latera non obscurus perpetuatur constrictio & dilatatio Motus, ita ut statu tempore hujusmodi laterales portiones intrò rapiantur vel pellantur, & successivè extra turgeant. An vero hoc in Cordis gratiam, quod præcipue in intermedia ibi dorsi parte systolen & diastolen habet; an vero in respirationis usum subsequatur, adhuc dubito. In *Locustis* autem, quas observare potui, evidens est totius ventris constrictio & dilatatio, ea in parte præcipue, quæ prona est, & dorso opponitur; interius namque miram habent machinam,

Tab. 4.

Fig. 3.

nam, cuius iconem habetis. In singulis etenim annulis A, ossæ vel cartilagineæ binæ laminæ B. sub eodem plano locantur, altera à dexteris, altera vero à sinistris; ita ut latior laminæ portio cum ex porrecta C. ejus parte, ventrem inferiorem tangat; reliqua vero, superius dorsum. Hæ ab incisuram substantia cæterisque aliqualiter se junctæ locantur ita, ut liberè moveri possint: quare laxato ventre probabile est, velut tot arcus extendi, inde que capaciorem reddi ejusdem cavitatem, vel saltem jam compressam in proprium resiliere statum, hujusmodi arcuum ope. Sed potiora vestris mentibus occurrit, & jam tempus est, ut reliquorum Bombycis viscerum indaginem prosequar.

Per longum dorſi, inter exaratas Musculorum fibras, & pulmones hinc inde appensos, Cor locatur, à summo capite ad extremum usque corporis ex porrectum; quare, vivente animali, ejusdem pulsatio exterius per longum subobscure emerget. Corpus hoc tenuibus constat membranis, quæ contenti Icoris colore imbuuntur; diaphanæ enim sunt, progressu tamen temporis luteæ fiunt, nec ita facilè transfluent. An præter membranas carneæ adsint fibræ (ut reor) quibus constrictio subsequatur, sensus nequit attingere. Ejus figura mira est; nam in cæteris animalibus, ex fibris carneis in gyrum deductis *Conica* quædam consurgit molles; at in *Bombyce*, & consimilibus, unicus tubus est, à cauda ad caput continuus, nec, ut obser-

vare potui, in istius finibus, vel altero tantum, amplior quædam capacitas locatur, à qua principium motus erumpat; nec etiam quælibet exarati tubi portio eandem sortitur latitudinem, & figuram, sed identidem extenditur, postmodum augustatur, ita ut ductus iste in tot distinguatur quasi O-

Tab. 3. vales tubulos AB, sibi invicem continuatos; quare ex inferius etiam dicendis dubitari potest, tot Fig. 4. *Corcula* esse, sibi mutuam opem ferentia. Ipsorum numerus multiplex est, adhuc tamen non omnino mihi notus; nam ex vario cordis rhythmo in pulsu, ex valida insuper convulsione, qua secti Bombyces tentantur, distinctio non ita patet. Tot autem esse, quot annulos, vel saltem pulmonum paria, ex his, quæ saepius deprehendi, probabile est. *Corcula* hæc, dum placida succedit ipsorum *Systole*, taliter moventur.

Extrema latera producti cordis, dum *systole* sua corripiuntur, ad medium cordis procedunt, & crassiora seu prominuta reddit, non intimè sibi approximantur, sed intercepta media cordis portione demissiori, binas lineas paleares videntur effingere; at ubi Cor validius movetur, concurrunt exaratae lineæ, & in arctiori cordis parte D. se superequitare videntur; quo casu elatio quædam sive tumor in cordis medio suscitatur: ubi autem deficiente animalis vita, sola cordium latera parum versus medium lentè deducuntur, tunc nulla fere sensibilis confurgit elatio.

Cordium

Cordium motus non eadem omnino temporis differentia succedunt, sed in Bombycibus, sicut & in alijs etiam, ab extremo corculo, ad caudam locato, primus constrictio[n]is motus emergit. Latiori enim C. compresso, contentus illico tenuis humor exprimitur per D. in subsequens corculum B. à quo in E. & ita successivus fit tumor, qui in celeri diastole adeo confusus est, ut distingui nequeat. Patet autem, dum prope extincionem manifestæ succedunt compressiones, propulsivo vitali illo humore ex corculo in corculum, velut ex auricula in cor, vel ex corde in arterias.

An à corde Arteriæ orientur vitalem succum deferentes, nondum certo assequutus sum; visus tamen interdum sum in *Aurelia* conspicuos ramos in annulorum interstitijs deprehendere, unde Arteriarum truncos esse conjeci.

Circa elongatum cor, seu singula corcula, tra-
cheæ rami E. serpunt, unde minores ipsius produ-
ctiones, extremis suis finibus, arcte Cordis mem-
branis, quæ dorsum respiciunt, adhaerent, & quo-
niam Cor cum contento liquore diaphanum est,
ideo ipsarum emergit species.

Aliud etiam corpus, Cordis ambitum stipat, & suis productionibus hinc inde lateribus ipsius hæret, quin & in singulis Incisuris, ubi fibræ carneæ de- finunt seu intercipiuntur, fiunt transversales novæ hujus producti corporis diramations, ut recti qua- tuor anguli fere designentur; ex quo deduci etiam

poteſt, à Cōculis, eo in loco, binos hinc inde promi ramos. Cōdis igitur ductum mucosæ quædam ambiunt productiones, quarum corporaturā Muscūlorū progressus teguntur, ſpatiaque in viſceribus relicta per-belle replentur; tanta enim eſt hujus corporis luxuries, ut ſuā mole cæteras Bombycīſ ſuperet partes, cum universa ventris cavitas ſufficienter ipſo repleatur. Tenellum eſt hoc corpus, ejusque ſubſtantia in oblongas ſtirias tam lancinatur & mire implicatur, ut, quacunque licet diligentia pertractetur, non tamen ipſius contexturam attingere liceat.

Ut autem aliquad lucis affulgeret, placuit ad Inſectorum conſimilium indaginem recurrere. In grandioribus itaque Erucis albæ hæ productiones totum interiorem ventrem obliniunt, & contenta viſcera ſtipant; harum portio ab animali evulſa, & aquā excepta, ſupra vitrum extendatur; ita enim rudis ipſius progressus & ſtructura habebitur. Elongantnr ergo vaſorum instar, & proximis conſimilibus occursantibus inoſculantur, ita ut tota hæc alborum corporum ſeries laxum A conſtituat rete. Horum figura oblonga eſt, parumque depreſſa, nec eandem omnino latitudinem ſervant, ſed impeneſe interdum anguſtiora redduntur; mox extenduntur quaſi in foliorum formam B, iterum coarctantur, & ramorum instar elongata ſibique inoſculata & implicita laxum rete C. efformant.

Hanc eandem ſtructuram in Bombycībus poſtremo

Tab. 4.
Fig. 4.

stremo collegi, dum ipsorum frustulum rimabar. Diu dubitavi, an cava essent, aliquoque referta succo, cum vasorum diramationem ruditer emulentur; in *Locusta* tamen ipsorum configurationem primo nactus sum; in hac etenim latiora haec corpora B. rotundis parumque depresso corporibus D. compaginantur: quod deinde in Bombycum frustulis, affuso attramento, collegi. Quare ex hac extima configuratione *Glandulosum* parenchyma, & inde viscerosam carnem dicendam putabam; sed facto ulteriori tentamine, aliud mihi philosophandum occurrit. Igni etenim approximata haec globosa substantia in oleum funditur, flammamque concipit; quare pinguedinosi globuli, reticularibus productionibus, velut membranis sacculis, contenti, cum omento comparari possunt; rursusque dubitandi ansa occurrit, pinguedinis promptuaria esse, valdeque follicitam reddi naturam in recolligendo continendoque oleoso hoc succo. Omenti hujus productiones minimi tracheæ rami irrigant, & ipsarum tractum etiam firmant.

Ventris cavam replet ventriculus A, mole insignis, & ab ore ad oppositum extremum oblongus, Tab. 5. & rectus. Ejus substantia membranæ est; haec Fig. 1. que multiplex, ut in cæteris animalibus patet, interna scil. & externa: Illa tracheæ B. ramis, minimisque ejusdem propaginibus irrigatur; sub hac excurrunt conspicuæ carneæ quædam fibræ subalbæ, quarum series duplex extat; aliae enim rectæ C.

C. ab Oesophago exortæ, versus anum deducuntur, graciles tamen & rotundæ ; aliæ autem per transversum ductæ D, ventriculi latitudinem colligunt, unde ex perpetua fortique hujusmodi fibrarum contractione & amplexu interceptæ minimæ ventriculi portiones E. exterius protuberant, veluti tot globuli ; seictis autem hujusmodi fibris, vel aqua maceratis, ita detumescunt exaratae protuberantiae, ut oblongus reddatur ventriculus, levisque exterior superficies, nullo vigente rugarum vestigio. Binæ insuper carneæ fibræ F. quasi chordæ, per longum exorrectæ, anteriorem & posteriorem ventriculi partem cingentes, ligamentorum vicem supplent, ut in colo alijsque confimilibus accidit.

Avulso hoc extimo carnosoque sacculo, quo ventriculus totus continetur, & constringitur, tenuis & diaphana occurrit membrana, in oblongi sacculi pariter speciem efformata, quæ nullam fere videtur cum exteriori carnosoque amiculo connexionem habere, quia secto primo involucro integra, contentoque alimento turgens eruitur. In hac nil conspicui deprehendere potui ob luciditatem summamque tenuitatem.

Ventriculi figura oblonga est, instar sacculi parum depresso, & ex fibrarum ligamentorumque nexu identidem angustatur, ut sex semicirculares protuberantias edat, quæ à totidem tracheæ ramisirrigantur. Externus color viridis est, sensim tamen,

non

non assumpto alimento, & dum proxime ad folliculi fabricam disponitur, carneus efficitur.

In superiori corporis parte non parum constringitur Ventriculus, ita ut membraneus ductus G. efficiatur, qui in oris cavitatem definens, alimen-
tum dentibus concisum excipit. Versus inferiora,
ad situm septimi tracheæ orificij, Ventriculus in
intestini formam H. mox in orbiculos I. velut in ex-
iguos ventres extenditur, & tandem post brevem co-
arctationem K. iterum ex contentis fæcibus pa-
rum dilatatus, in anum L. hiat, ubi exitura excre-
menta continentur. Hæc postrema ventriculi cavitas
M, recti vices gerens, hincinde per longum sex pro-
tuberantias, ex laxata propria substantia, promit,
a quibus fæces sexagonam recipiunt figuram.

In consumilibus Insectis copiosiores & distincti-
ores sunt Ventres, sibi invicem successivè com-
municantes. In *Cochlea* etenim absque testa, qua-
tuor interdum numerantur, quorum primus, in-
gluviei instar (ut Aristoteli etiam placet) in or-
bem extenditur; secundus, majori pollet lon-
gitudine; extremus autem, in tenue intestinum
desinit. In *Grillo* etiam bini insignes occurunt
Ventres, quorum posterior rotundus, hinc inde
appendices promit: reliquum ventris in quinque
(minores tamen) utriculos distinguitur. Tantus
ventrium apparatus, seu continuatus *Bombycis*
stomachus, non minimo contentus est alimento
(ut traditum ab *Aristotele* legimus;) nam si fiat
com-

comparatio cum cæteris insectis, quin & cum sanguineis ipsis perfectioribus, quæ mole longe excedunt, esu ipsa superat; cum alimenti unius diei, & proprij jejuni corporis, æqualia sint pondera.

Inter alimenti excrementique receptacula, hoc est, in angusta tavetriculi parte H, tenuia quædam & varicosa emergunt vasa N, quæ ut plurimum palearis vel crocei coloris sunt. Hæc per ventriculi dorsum exorrecta, deorsum relabuntur; ita ut sex reflexiones numerentur, quibus subjecta ventriculi portio ambitur. Horum exortum diu quæsivi, & tandem visus sum ipsum attigisse; in ea scil. parte H, ubi intestini formam venter subit, à qua conspicuus quidam truncus O, brevis licet, emergit, qui mox dividitur in geminos ramos sursum serpentes, qui iterum relabentes subdividuntur in ulteriorem sobolem. Hujus in intestinum hiatus patet, quotiescumque secto per transversum, jam exinanito ventriculo, non longe ab insertione hujus trunci, compressisque varicosis ejusdem productionibus, in interiora ventris erumpit expressus è vasculis flavus, interdum albus, icor, & per sectum ventriculum patenter emanat. His contigua observantur in inferiori ventris parte M. tenuia quædam vascula P, lutei ut plurimum coloris, quæ suis propaginibus binos I. utriculos ambient; copiosius tamen inferiorem percurrent partem M. Horum structura & gracilitas, novum genus, & à descriptis diversum, indicare viderentur,

nisi

nisi in quibusdam Bombycibus, hydrope seu ca-
chexia laborantibus, albus quidam humor æquē
descripta insignia vasa N, ac minora P, occupa-
ret, nobisque aliqualem indicaret continuitatem.
Hærent hæc minima vasa intestino præcipue recto
M, & quia diaphana sunt, & varicosè implicantur,
ideo globorum seu glandularum racemos æmu-
lantur. Hoc vasorum genus in consimilibus insectis
etiam luxuriat; nam in *Eruca*, pilis oblongis &
aculeatis referta, ab eadem ventriculi parte con-
simile erumpit vasculum, quod sursum deductum
iterumque ad inferiora reflexum, continuitatem
servat: quæ evidenter in hac conspicitur, quam
in Bombyce. In grandiori *Eruca*, horum vascu-
lorum duplex conformatio extat; alia enim
alba sunt, reliqua vero flava ceu crocea; *illa* vari-
cosa, intestini coli instar, sunt, eorumque semicir-
culares protuberantiae, interius cavæ, cum intimo
communique ductu communicant; unde eodem
replentur succo; *altera* autem, vulgarium vasorum
ritu, parum depressa laterum suorum omnimo-
dam levitatem fervant, cum fere rotunda sint. Ex-
ortum habent à fine primi ventriculi, & sursum
excurrunt; mox reflexa, reliquis exiguis utriculis,
ex coarctato ventriculo subortis, arcte hærent, &
circa rectum, in gyrum deductæ, ludunt. Ob ex-
cedentem longitudinem, ipsorumque mollitiem,
nunquam licuit evidentem assequi continuationem;
probabile tamen est, in ipsis dari; & licet, dum im-

pensé nutritur animal, contentus succus duplicit
inficiatur colore, certum tamen est, quod in eadem
vasis continuata portione, contigi binique succi,
diversos ferentes colores, observantur, & tandem
temporis progressu oblongus horum vasculorum
tractus unico & undequaque sibi simili, vitellino
scil. succo, refertur.

Longa & ferox Insectorum investigatio deside-
raretur, ut horum vasculorum progressus, indeque
usus, elucesceret; probabile enim videtur, tenuio-
rem cibi, jam in ventriculo macerati & soluti,
portionem in hæc propelli, longosque ipsorum
anfractus subire, & fortè succis non parum immu-
tari, & tandem in cor, vel saltem in corium, & in-
de in reliquas corporis partes rapi.

An vero superfluum aliquod, ineptumque nu-
trioni, per alterum ex descriptis vasculis (bina
enim sunt invicem sociata) revehatur, hæsitari po-
test, cum in Bombycibus, cessante cibatione, con-
tentus succus in subalbam quasi saniem immute-
tur, & postremo in excrementorum vesicam deri-
vetur. Hæc libens vestris exercitationibus dilu-
cidanda, pro germana naturalium viscerum dig-
notione, remitto; unicum hic addens, in singula
descriptorum vasorum particula, dum inedia ma-
ceratur animal, & intus lacteus succus luxuriat, pro-
ductiones & diramations circumducti cuiusdam
corporis, in interiori superficie horum vasorum ob-
servari; quæ intercepta inæqualia designat spa-
tia :

tia; interdum enim areolæ oblongæ, quandoque triangulares, modoque orbiculares excitantur, ita ut supra tunicam ex modicè assurgente corpore consimiles productiones habeantur, quales in cavo biliariae vesicæ, vel colidochi ductu deprehenduntur. Hæc verò vestrâ ope dilucidiora reddita dubiam adhuc meam firmabunt mentem, dum interim hæret, an hæc sint tenuia intestinula, an cæcæ appendices, pro fermentorum collectione in piscibus familiares, an vero vasa *Lacteis* analoga?

In Ventris lateribus hinc inde circa ventriculum oblongus vasorum A. progressus circumducitur, quæ pro Serico efformando stamine succum continent. Talis autem est ipsorum progressus: Unumquodque horum ab oris confinio exordium trahit, ^{Tab 5.} ^{Fig. 2.} sensim autem superato capite deorsum elabens, à latere parum deflectens in B, versus interiora corporis deorsum producitur ultra corporis mediatem, & iterum extra reflexum in C. sursum versus caput ascendit, & tandem circa ventriculum serpens ad inferiora deducitur, & in gyros mirosque mæandros D. implicitum, versus primi ventris terminum, ultimum sortitur finem. De extremo hujus fine diu sollicitus fui; cum enim hujus vasis mucosa fragilisque sit contextura, quæ multiplicibus tracheæ ramis colligatur, ideo difficilima videtur extremi sui termini indago. Longa tamen usus patientiâ, sedis singulis tracheæ vasculis, ultimum attigi finem, qui cæcum representat inter-

stinulum E, quod à proximo tracheæ ramo gracilem recipit supra se excurrentem diramationem.

Horum ductuum substantia membranæ est, ut in cæteris intestinulis; solidior tamen in sui exortu prope caput; in reliquo fragilis est. Nec eandem omnino retinet figuram; etenim, licet vasa hæc ubique perforata existant, eorum tamen principium F. gracile est, ipsorumque foramina angusta sunt; subsequens vero portio G. laxior est, quæ tandem rotundi intestinuli H. formam jam adepta, post plures circumvolutiones extremum sortitur finem E. Longitudo unius ductus Bononiensem æquat pedem. Inæqualis horum ductuum conformatio non eadem est in singulis Infectis; nam in prægrandi Eruca intestinulum gracile, sibiique omnino simile, deprehenditur, palearis ubique coloris.

Contentus succus vario inficitur colore, qui & in singulis Bombycibus etiam variat. Duplex tamen vulgariter solet efflorescere color, luteus scil. seu auratus, & subalbus, cum modica quasi sulfuris tinctura. Et quoniam ex vario exaratorum succorum situ, staminis suboritur textura, ideo producti inde folliculi diversi sunt, vulgoque etiam diversis appellationibus insigniuntur. Solet autem in Bombycibus, à quibus folliculi, vulgariter *Soriani* appellati, efformantur, subalbus primo occurrere succus, qui ab I in K, ductus portionem occupat; subsequens vero crassioris intestinuli usque

usque ad L, auteo repletur succo; reliquum usque ad extremum E, subalbo iterum occupatur humore: In alijs porro inversâ viâ contingere solet, occupante flavo corpore primam serici ductus regionem. Succus iste, aquâ communis elixatus, non solvit, sicut nec igne liqueficit,flammamque nequaquam concipit, sed gummi instar glutinosam retinet naturam.

Tracheæ ramulis per longum ductis, ad minimaque gracilescensibus, totus horum intestinorum irrigatur tractus, cum proximi quique tracheæ trunci surculos transmittant.

In prona corporis parte post avulsa viscera, in medio scil. imi ventris, à capite ad extremum corporis, sub adiposis ductibus, Spinalis excurrens medulla emergit. Propria hæc gaudet compage & figura, cuius progressus talis est: Non uniformem habet substantiam, sensim ad imum usque decrescentem (ut ferè afolet,) sed, veluti chordâ, interpositis ovalibus identidem quasi nodulis compaginatur. Intermedij globuli figuram ferè ova-
lem habent, quæ erumpentibus nervorum productionibus deturbatur, ejusque forma parum convexa est, & placentulæ instar valde deprimitur. Hujus substantia gemina videtur, altera enim exterior ambiens A. subalba est, eandemque sapit naturam cum reliquo spinæ; interior autem B, parum elata, in suprema sui parte C curvatur, in inferiori autem quandoque binas quasdam promit

Tab. 6.
Fig. 1.

append-

appendices D; breves tamen, ex nervorum E rectitudine, quos ibi geminat. Hæc ob sui exiguitatem, cùm nec cultri acie separari possit, nec cæteris tentaminibus explorari, adhuc mihi ignota latet. Unum tamen observo, coloribus circum-affusis, non parum ab altera parte A, quæ vel ipsam ambit, vel globulos necit, distingui: nam hæc subalbida & candida est; illa vero Leonini coloris: quin & in cancro fluviali, ubi eadem patet structura, non tantum diversus erumpit color, sed ex eodem stigmata suborta rudes quasdam velut arborum radices, describunt. Quare interdum dubitandum mihi occurrit, cum in capite comprehendere nequiverim cerebri molem, ab his disparatam, globulos seu nodulos hosce cerebri esse dispersas portiones conglomeratas, scil. corticis glandulas, à quibus nervorum fibræ enascantur; cùm perfectorum etiam Spinæ interiora per longum occupet cortex, à quo quorundam nervorum fibras enasci probabile est. Corticalis hæc substantia, nodulos efformans, in ea eminet parte, quæ Bombycis annulos tangit; in altera autem huic opposita, scil. versus interiora superextensa, medullari A substantia tegitur & ambitur.

Singulus itaque globulus binis exaratis constans particulis, in sui suprema parte C, descendenter recipit spinam, eamque ab inferiori & opposita parte promit: Hinc inde verò bina nervorum paria hæc insignia erumpunt, quorum alterum E, inferius

inferius scilicet, obliqué deorsum ad latera producitur in musculos & artus; alterum vero F, superiorius ad tracheæ proximos truncos exporrigitur.

Globuli, prout videre licuit, sunt tredecim; supra enim primum tracheæ orificium bini, parum distantes G, sub eadem rectitudine locati, versus caput ascendunt; ab his post brevem spinæ productionem postremus promitur nodulus H, à cuius supremis partibus bini erumpentes processus, duos geminant globulos I, qui in Cranij basi non longè à mandibulis nervulos mittunt, sicut & ad oculorum radices. Inferiores globuli ultra primum annulum, servato proportionali spatio, ex rectitudine tracheæ orificiorum situantur; bini tamen postremi K L, sibi succedentes, à se invicem parum distant, & inter septimum & octavum tracheæ orificium pendentes, extremum gracilescens spinæ M inferius promunt; à quo, veluti dispersis fibris, corporis extremi appendices irrigantur & foventur. Residuum spinæ N, globulis interjectum, nerueam præ se fert naturam; nans subalbum est, & in binos recolligitur fasciculos, communi involucro contentos, & affuso atramento in cancri spina patet: In ipso etiam Bombyce, inter primum & secundum O tracheæ orificium, non parum distant binae spinalis medullæ partes. Extremas nervorum productiones ad artus & musculos non licuit in totum attingere ob luciditatem; & albedinem. Noduli supra expositi à minimis tracheæ

Tab. 6.

Fig. 2.

tracheæ ramis P. irrigantur ; à singulo enim tracheæ orificio versus interceptam spinam bini occur-
Tab. 6. runt rami, qui in medio sibi occurrentes mutuam
Fig. 2. pariunt Anastomosin, & productis minimis ramulis arcte expositos amplexantur globulos, & elongatam inde spinam.

An præter exaratas Bombycis partes alia su-
persint viscera, non audeo negare; aliorum enim
sollicita indago & dexteritas fortè luculentiora de-
teget. Scio, in quibusdam Insectis, & præcipue
in Scarabeo, & in Imperati Talpa, circa ventriculum
subalbos quosdam reperiri globulos, qui tracheæ
ramis propagines recipiunt, ipsorumque copia infe-
rior ventriculi portio præcipue circumdatur. In
Cicadis memini, glandularum racemum ad extre-
mum alvi locatum me vidisse.

Lustratis interioribus visceribus, unum vel al-
terum de Cranij structura est expendendum. Solet
natura in sanguineis animalibus Cranium pluribus
unitis ossibus compaginare : unde in ipsorum mu-
tua insertione & adaptatione plures contingunt su-
turæ, proprijs discriminatæ nominibus, quæ mini-
mas quasdam rimulas inter contigua & articulata
ossa designant. In Bombyce autem Cranium
osseis multiplicibus, vel faltem cartilagineis par-
ticulis coagmentatur, variæque ipsius futuræ, seu
intermediæ particulæ, inter contiguum verum-
que os, nigrâ quadam Zonâ, cæteris solidiori,
describuntur. Hæc eundem colorem & substantiæ
modum

modum exhibet, qualem in unguibus & osseis particulis observamus ; crassior est reliqua cranij lamina ; nam interius etiam protuberat. An hæc ossea portio ex addensata contentarum laminarum extremitate contingat, multum probabilitatis habet, cum alibi quid proportionale accidat. Ossea Tab. 7.
hæc zona primo Cranij basim A firmat, ubi col- Fig. 1.
lo seu primo annulo nectitur ; & quoniam caput ipsum (ut aliás retulimus) in duplicem quasi semisphæram secatur, hinc est, quod osseus ille circulus A, cranij basim firmans, versus superiora serpens, suturam lambdoidalem exprimit , cuius mentio jam facta est. In anteriori autem parte, ubi os insculptum est, elongati hujusmodi ossei processus varias describunt suturas, quin & parum ad latera reflexi diaphanos quosdam globulos B, quos pro *Oculis* habendos esse reor, arcte firmant. Spatia zonis hisce contenta cartilagineis lamellis, parum extra protuberantibus, ut Cranio debita concilietur concavitas, replentur : illa vero, quibus os colligatur, diversis emergentibus partibus locum præbent : Ita C. dentium apicibus foras errumpentibus aditum largitur ; D vero hiat, ut oris concavitas pro ingerendo cibo pateat. Supra ipsum eminens quædam portio E locatur, quæ, velut acuminatum *Mentum*, exeundi stamini aditum largitur : Hinc inde ab F mammiformes quidam processus, aliás descripti, continentur & stabiliuntur.

H

Cranij

Cranij concavitas pluribus repletur, Spinalis scilicet medullæ parte, extremis tracheæ ramis, & binis styliformibus processibus, qui à suturis, dentibus proximis, intrò producuntur; major tamen *Cranij* portio à binis dentium Musculis occupatur; quælibet enim exarata semispæra, qua *Cranij* moles excitatur, prægrandi & fibroso repletur musculo; quo appensus dens ad latera diducitur, & adducitur. Nam in Bombyce, deorsum vel sursum retractis mandibulis nequaquam os aperitur (ut in sanguineis fere semper accidit,) sed, cùm ipsius dentes sub eodem plano locentur, mutuo ipsorum accessu & recessu cibum captat animal, ipsumque atterit.

Dentes binis sunt; singulus etenim utrinque proprio alligatur musculo. Eorum substantia ossea est & fuliginosa; figuram habent quasi incisoriam; concavo curvoque apice A terminantur. Pars ipsorum exterior B gibba est, interior vero, eique opposita concava A, basis, absque erumpentibus radicibus omnino lœvis est, & quasi quadrangulari constat figura. Cavi intus sunt; & ab ipsis erumpit tenuis quædam alba lamella C, quæ forte extendinibus, seu ex fibrarum solidescientibus extremitatibus excitatur: In hanc definunt copiosæ carneæ fibræ, insignem musculum efformantes, quarum mole binæ cranij partes affabré replentur. Et quoniam mamillares ille protuberantiae, quas foras hinc inde circa dentes eminere diximus

Tab 7.
Fig. 2.

mus, motum habent, probabile est peculiares etiam musculos in ipsarum concavitate, vel saltem intra cranium recondi; cum natura localem motum absque muscularis promere non soleat.

Taliter igitur constructus Bombyx, post ultimum senium impense nutritur, & vorat, ut ad ^{Tab. 1.}
^{Fig. 5.} hanc perveniat molem. Varium tamen est cibationis spatum; nam quos alui *Octobris* mense, per quindecim dies ante folliculi fabricam continuo cibum sumpsere; reliqui verò, quibus tunc temporis parum cibi arte porrigebatur, per mensem edere; alijs vero æstate & vere nutriti, decimum diem non excessere. Et quoniam foliorum fibræ, aliaque ex alimento superfunt, ita ut ingens excrementorum aggregetur proventus, ideo, ne fætido exhalante habitu Bombyces inficiantur, præcipue post ultimum senium, tabulata, quibus insident, bis in die immutantur, abjectis alimenti reliquijs, hocque summo mane & post meridiem peragitur: Reliquis verò temporibus, alternis tantum diebus. Variæ sunt tabulatorum species; in *Sicilia* ex arundinum frustulis compaginantur; apud nostrates ex alga & arundinibus fiunt.

In sollicita Bombycum educatione solent nostrates tetros vitare odores, quasi ipsis infensissimos; quod tamen valde superstitiosum censeo. Plures enim alui Bombyces intra capsulam, copiosa *Affætidae* quantitate refertam, nec unquam à solito abstinere cibo, sed integrè vixerunt.

runt. Idem in *Opio* & consimilibus degentibus accidit; quod & in *Stirace* expertum vidi, cum singuli proprium perfecerint postremo folliculum. Scio tamen, flante *Astro* non parum labefactari, & æstuante aere de facili in quandam Cachexiam (nisi Hydropem dicere velimus) incidere: Externatur etenim ipsorum corpus, & ex albo in subcroceum immutatur; unde secto corio turbata quædam sanies, veluti ovi vitellus jam corruptus, prodit, multusque icor in ventriculo stagnat, cum alioquin in naturæ statu vulnerata cute erumpens humor diaphanus subcroceus & fere palearis sit, & levi calore in crustam facillimè concrescat. Nec minus *Frigore* etiam oblæduntur, cum remissis ipsorum viribus folliculi opus in longum prorogetur, diuque duret cibatio, quæ aliás vigente æstu brevissima redditur.

Bombyces interea satis nutriti contabescere incipiunt, ipsorumque corporis moles parum minuitur; per diem saltem à cibo postremò abstinent, alvi excrementa cum sanioso quodam icore mellei coloris ex toto excernuntur, ita ut in ventre nil supersit. Externus corporis color immutatur, quædam enim luciditas seu diaphaneitas cum aliquali flavitie tintura observatur, & sub ventre carneus luxuriat color. Anterior corporis portio, secundo & tertio excitata annulo, turgida redditur, & purpureo colore perlucet: Eundem etiam colorem referunt maculæ quædam in quinto

&

& octavo annulo insculpta; portio pariter intermedia annulorum sublutea redditur, sicut & imi ventris appendices. Interius ventriculus parum depresso vitellino quodam refertur icore, quem ex secto corio erumpere videmus. Divagari tandem incipiunt Bombyces, & situm pro texendo folliculo aptum nanciscuntur. Tunc mulieres sub farmentorum frustulis, in fasces recollectis, collocant, vel sub plantarum exsiccatis radicibus, & truncis, in fasciculos vel scopas compaginatis. Laudantur etiam ad hunc usum diversarum arborum rami, ut *Castaneæ*, & *Quercus*, item *Genistæ*, & consimilium. Opportunum jam locum naectus Bombyx, proprijs è vasculis succum, succini instar, sub staminis forma effundere incipit, & ligneo frustulo vel occurrenti scabritie applicat, indeque celeriter recedens, filum nere perpetuat, & diverso sub situ locatis adaptat: quod cum glutinosum sit, aeri dum exponitur, facillimè concrescit arcteque hæret, & ita laxum quoddam rete, vel mavis, rudes quædam contexturæ inchoantur, in quarum centro, ex debita distantia, ovalis folliculi structura & unita compages commode subsequi potest. Ut autem Bombyx stamen promat, retrahit caput, deinde attollit, & ad posteriora recurvat, compressisque superioribus annulis, quasi eructat, & ad latera diverberando caput stamen exerit.

Inter agendum per vices caput retrahit, parumque

que hæret, deinde elongato corpore, mutatoque gressu majori cum alacritate opus aggreditur. Nec diu venit hæsitandum, an ab ore vel ab extremo alvi stamen emittat, cum sensu manifestè pateat, sub ore brevem quandam proboscidem pendere veluti Mentum, à cuius extremo perforato ex delato illuc glutinoso succo à sericis ductibus ex-primitur.

Filum seu stamen, quod unum, hocque perpetuo continuum, exerit Bombyx, diverso ritu interseritur; nam animal dimidium corporis, hoc est, extremam alvum immobiliter figit, dum grandioribus pedibus tensa jam stamina apprehendit, & tunc reliquo corporis, capite præcipue, continuatis compressionibus, stamen ab interioribus trahit: ubi vero ulteriore optat progressum, mutatis sex anterioribus pedibus, quorum unguibus, staminibus applicitis, corporis moles suspenditur, caput anterius protrudit, cuius vario motu circumducitur stamen, diversæque figuræ describuntur; ut plurimum tamen *spirales* sunt, vel saltem ad has

Tab. 7. proxime accedunt. Harum specimen hic habet
Fig. 3. tis ex contextura quadam à Bombyce sub tersam

vitri laminam efformata. His repetitis circumducitionibus, quæ propria latitudine humanum non excedunt unguem, tota folliculi fabrica perficitur,

Tab. 7. quæ exterius hac terminatur figura. Peragitur fol-
Fig. 4. liculi textura quasi per triduum, vel saltem per

biduum, juxta Bombycis robur, prægressam ciba-
tionem,

tionem, aerisque ambientis temperiem. Hujus compaginata substantia non undequaque sibi similis est, nam exteriora primaque filamenta, quae alijs fulcimento fuerunt, nullam colligantiam stabilemque connexionem habent, & eam folliculi portionem constituunt, quae vulgo *pilum* dicitur, & apud aliquos inutilis lanugo. Plures autem sunt partes, quibus intimè compaginatur folliculus; nam in sex laminulas dividi potest, hæque non uno pollut colore, juxta scil. portionem & natu-ram succi, quem diversum in sericis vasis conti-neri diximus; quare prima operis die exterior folliculi, mollis tamen, textura habetur; subsequen-ti autem die novo expresso succo diversæ addun-tur laminæ, & reliquo tridui postrema valdeque friabilis additur textura, dum interim resiccato sta-mine solidior redditur folliculus.

Singulus Bombyx ut plurimum folliculum sibi parat; interdum tamen *bini* circa unius tantum folliculi fabricam satagunt, unde ex filamento-rum implicatione impossibile est, servata staminum continuitate, ipsum retexere. Hujus crassities du-pla est, & duodecim circiter laminulis constans; interius nullum adest septum, sed una tantum concavitas; exterius parum diversa à mox de-scripta folliculi forma gaudet, cum fere semper de-pressior sit, & latior, geminis quasi juxta se positi folliculis coagmentata: Oblonga, papyri instar, Fab. 7.
loco folliculi observatur contextura, quæ qua-Fig. 5.
drangularis

drangularis est. Non raro superveniente hyeme Bombyx, in se ipsum retractus, nullo edito stamine, in *Aureliam* immutatur.

Inclusi intra folliculum Bombycis serica intestinula, proprio exhausto humore, non parum detumescunt, licet aliquid etiam succi supersit. Tracheæ vasa minus turgida redduntur, & intestinula, à ventriculi fundo orta, Aurantiorum colore perfusa vigent. Cor crebris pulsationibus ab imis ad superiora movetur; reliquus corporis habitus contractior redditur, & rugosus, ita ut singulorum annulorum latitudo in arcum flectatur, & parum etiam superioris cavum subintret; unde excitatae rugæ, sicut & ani appendices, purpureæ redduntur.

Peracto triduo, absolutaque folliculi fabrica, Bombyx (contractus tamen) per longum decumbens quiescit: externus ejus color ex carneo vitellinus redditur; violacea quædam linea ad situm tracheæ orificiorum translucet; & triangulis illa macula, in supina dorsi parte, in primo, secundo & tertio annulo excitata, purpurea quidem, sed dilutior, redditur; ungues, quibus pedes armantur, intro retrahuntur; crura gracilescunt, ut externa tantum tegumenta remaneant; & patula olim tracheæ orificio angustiora redduntur. Interius tracheæ vasa plumbeum colorem ferunt, in extremitatibus autem argenteum. Ventriculus exinanitus, parumque depresso subsidet, subflavo

subflavo suffusus colore. Testes ampliores redduntur, eorumque vasculum patentius redditur. Omenti ductus adhuc florent, & ubi tracheæ ramis irrigantur, roseum acquirunt colorem. Ventriculi pariter vascula partim vitellina redduntur; singula tamen varicosa. Cranij cavitas aquoso & subflavo refertur succo, crassumque & densum sub Bombycis corio latitat involucrum. Intra quatriuum tandem, quo tempore Bombycis tardé movetur, corporisque moles angustior redditur, discusso exteriori corio, (senectæ instar) *Aurelia*, quasi novum animal, emergit. Expoliatio completur spatio minuti unius horæ cum decem secundis, hacque ratione (ut sorte mihi videre contigit,) primò, celerrimus est cordis motus, totius corporis habitus convellitur, ita ut singulæ circulares segmentorum plicæ emergant, & ex transversali laterum constrictione exterum corium ab interiori separetur; unde impetu facto, propulsa insigni corporis crassitie versus caput, senium deorsum repellitur, & tracheæ portiones à propriis exterioribus orificijs divulsa rapiuntur una cum senio, quod tunc déponitur. Interim ex motu scissura excitatur in dorso prope caput, per quam reliquum corporis exit, retracta sensim deorsum senectâ versus anum, juvante non parum flavo quodam icore, è cranij cavitatibus erumpente, ita ut libera appareat *Aurelia*, seu *Nympha*.

Dum exit Animal, antennæ crassiores & mucosiores

costiores à reliquo Aureliæ corpore sejunctæ, præter implantationem, à binis cranij cavitatibus eruntur; ubi revoluta ipsarum productio eundem occupat situm, qualem mandibularum bini olim Musculi. Alæ pariter, & crura, suis terminis circumscripta, apparent; *hæc* à situ anteriorum in Bombyce pedum extrahuntur, *illæ* vero à lateribus dorsi partibus, quæ olim purpureæ florabant. Hæ vero exaratæ partes quoniam adhuc mucosæ sunt, hinc est, quod invicem de faciliter hærent, & sensim siccessentes ita arcte uniuntur, ut unum videatur indumentum, quod Aureliæ speciem exhibit. Quare cum hæ partes sint *Papilionum* propriæ, ipsorumque usibus destinatae, videtur Papilionum natura citius, ac vulgo creditur, emergere, altiusque radicari; cum in Bombyce, ante folliculi texturam, Alarum inchoamenta, sub secundo & tertio annulo latitent; antennarum etiam delineationes in Cranio fiant, &, expleto folliculo, proprio gaudeant termino: Nec incongruum erit dubitare, novum Aureliæ vitæ genus non-nisi jam geniti Papilionis laruam & velamen esse, ut nequaquam excitatus vel percussus extenorum injurijs ficte firmetur, & adolescat, quasi fætus in utero.

Excitatæ mox Aureliæ configuratio, præcipue exterior, rimanda sese objicit. Corporis extima figura ferè Ovalis est, segmentis seu annulis, per transversum ambientibus, constans; Ventris me-

dium

dium parum protuberat: versus caput & anum sensim decrescit, ut extremâ alvo in acutum desinat; ut Icones demonstrant. In superiori dorsi ^{Tab. 8.} parte super secundum & tertium annulum exten-
ditur quoddam corpus A. parum eminens à reli-
quo corij, quinque obtusis angulis constans; un-
de *Umbonis* speciem habet. Hoc communem cum
reliquo exteriori involucro substantiam sortitur,
quæ tamen rectis fibris, copiose per transversum
ductis, parum exasperatur. Supra Umbonem hunc
(ut ita dicam) situs adest reconditi capit is B. A
lateribus descripti corporis exortum trahunt emi-
nentiæ binæ C, quæ deorsum productæ, & circa
imum ventrem extensæ, & revolutæ, postremum
ibi sortiuntur finem. Hæ frequentibus per obli-
quum ductis fibrulis, alarum compaginem denotant;
reliquum dorsi octo compaginatur annulis, qui re-
flexa quadam plicabili substantia continuantur;
ipsorum color aureus in principio, sensim tamen
saturatior obscuriorque redditur, & perpetuo linea
quædam, quasi Citria, dorsi longitudinem designat.

In prona ventris *Aureliae* parte plures observan-
tur in superiori corporis regione parum protube-
rantes: Etenim, quæ ultra medium ventris occur-
runt, latioresque sunt, alarum C extremitates ^{Tab. 8.}
constituunt, quas à dorsi lateribus enasci diximus: ^{Fig 2.}
quæ vero his proximè emergunt, à summo cor-
poris exortæ, deorsumque lateraliter producetæ,
antennarum D sunt inchoamenta; prope harum

exordium protuberant bini monticuli E, quæ Pa-
pilionis latitantia labia indicant, reliquæ vero in-
feriores ex crescentiæ G, crurum divaricatorum pro-
gressus exhibent. Reliquus venter sex distingui-
tur annulis, nullumque *sexuum* vestigium exterius
emergit. In lateribus stigmata, olim tracheæ pa-
tula orificio, adhuc supersunt, non tamen hi-
antia.

Dissecto corio, seu potius peculiaribus conca-
vitatibus, quæ singularum partium inchoamenta
continent, ijs præcipue in locis, ubi tumores mox
descriptos adesse diximus, cinereus quidam tur-
bidusque icor erumpit: exaratæ enim quælibet
particulæ membranis quibusdam, veluti sacculis,
qui partium configurationem possident, constant;
ipsarumque cavitates humore quodam repletur,
qui, propria concretione, contentarum partium
soliditatem, una cum ipsarum natura, manifestat.
In interiori ventre adhuc supereft vestigium Seri-
corum intestinorum, si præcipue flavo scateant
succo. Ventriculus parum contractus & rugosus
apparet; ejus color in medio roseus est, in late-
ribus autem diu elixatam carnem æmulatur; inte-
rius concreto quodam succo, mellis instar, abun-
dat, qui nullo adhuc pollet sapore: circa ipsum
tenuia intestinula, seu vascula olim crocea produ-
cuntur, propriâ & antiquâ servatâ figurâ, & Vi-
tellina redduntur. *Cordis* motus ut plurimum à
superioribus ad ima perpetuatur, rarus tamen.

Tefles

Tes̄tes hinc inde medium ventris occupant, propriumque manifestatur vasculum, quod Lymphatico persimile est. Adiposi ductus ultra propriam albedinem parum rubedinis referunt. In interiori corij parte, exorrecti adhuc perlongum Musculi observantur; contigi enim annuli, quibus *Aureliae* corpus compaginatur, non ita uniuertur, ut rectam designent lineam, sed intermediis plicabilibus & revolutis intro incisuris connectuntur, ita ut inferior annulus superioris segmenti cavitatem subintret; quod Musculorum ope continet. Nam ipsorum fibræ exordium sumunt à superiori annuli parte, & deorsum deductæ in subsequentis portionem inseruntur; unde, quotiescumque Musculi tensi manent (ut in *Aurelia* accidit) necesse est, ut annulorum binæ partes, quibus Musculi affiguntur, parum sibi invicem approximentur, & ita retracto sursum inferioris annuli principio, secum etiam intro revoluta rapiatur annuli extremitas.

Aureliae configuratio hucusque ruditer Vobis expressa, temporis progressu mutationes subit, donec *Papilio* manifestetur. Dierum enim decem spatio, æstate; autumno autem & hyeme, mensis unius curriculo successivæ perpetuantur dispositio-
nes. Quare externus corporis color saturatior in dies redditur, cum circa caput, caudam, & per longum dorsi, exsiccatorum Aurantiorum cortici persimilis color emergat; quin & tractu temporis
inferior

inferior & reflexa quælibet annulorum portio, zonæ instar, eundem referat colorem, reliquum vero corporis, venter scil. & latera, vitellinum diu teneant colorem.

Externus habitus pilis subflavis condecoratur, à quorum radicibus, vigente aeris calore, sudoris guttulæ erumpunt. Annuli, quibus Aureliæ corpus constat, solidiores fiunt, & quasi cartilaginei. Alæ, antennæ, & crura proprijs involucris contenta, extra sensim protuberant, & manifestiora fiunt, & ex superius descripto mucoso succo, postremo concrecente, ipsorum soliditas, & species emergunt: Dum proximè etiam proditurus est *Papilio*, nigræ quædam maculæ circa caput observantur, quæ latentes oculos indicant.

Interiora pariter immutantur. Tracheæ rami, amissò annulorum vigore, molliores redduntur, ita ut in seipso collabantur, & ex plumbeis argentei fiant. Ipsorum etiam tunicae vulgarium serpentum exuvias æmulantur, cùm minimis quasi squamulis componi videantur. Tracheæ exterius officium occluditur, ut aeri non amplius pateat ingressus. Omenti reticulares plexus subpaleares fiunt, ipsorumque membranæ non parum lacerantur, ut amissa propria continuitate, reliquum pinguedinis, hocque exiguum, quod in tam longa inedia non est absumptum, aegré contineant; cùm universa hæc moles in frustula contrita videatur. Ventriculi moles arctior & brevior redditur, ut quasi

quasi delitescat : Nam primo ipsius tumor parum deprimitur, deinde retractis fibris rectis, ejusdem longitudinem firmantibus, abrumptur œsophagus, & ita superior ventriculi portio deorsum retrahitur, reliqua vero, inferior scilicet, versus ventris medium ascendit, nullumque subsequentium ventriculorum seu cavitatum remanet vestigium, cum forte in ductum, & vesicam, mox exponendam, absumatur. Ventriculi figura varia succedit, ex diversa contenti succi natura, & fibrarum carnearum retractione ; nam ipsius membranæ extra fibrarum colligantiam eminent, ita ut Ventriculus crispus rugisque refertus appareat. Quæ tamen frequentior accidit, illa est, quam proposui, in qua A situm superioris oris designat ; B verò inferioris ventriculi color varius contingit ; nam hic à Fig. 3.¹ Tab. 8.

oris ventriculi color varius contingit ; nam hic à Fig. 3.¹

latitante intus succo emanat, unde ipsius tunice, primis Aureliæ diebus, carnei coloris, diluti tamen sunt, mox rosei ; deinde *pyropum* æmulantur, & tandem cyrnum, si in longum plus justo protrahatur Papilionis eruptio. Consimilis etiam succus in ipsius cavitate luxuriat, qui primo mellis colorem & fere consistentiam possidet, nulloque pollet sapore ; mox rubicundus efficitur, & solidior, & interdum amaritatem acquirit ; non raro etiam liquatur, & in humorem persimilem ei, qui in exponenda inferius vesica colligitur, abit.

Ab extremo Ventriculi B, crocea pendent vasa C, seu intestinula ; hæc contento succo diu tur-

gent :

gent: mox vitellina, & tandem quasi lactea, ex stabulante intus sanioso quodam humore, qui tamen singulas ipsorum partes non inficit, cum quædam vitellina adhuc vel subcrocea perseverent, ex nondum immutato contento icore. Ipsorum figura varicosa redditur, & hinc inde eminula tubercula emergunt. Hiant vascula hæc in longum quandam ductum D, ab imo ventriculi productum, in prægrandem quandam membraneam vesicam E, humiliorem alvi partem occupantem. Hic igitur ductus ex porrectus, & latus, peristaltico quodam motu insigni pollet; unde lacteum humorem, quasi sanguinis saniem, quem à continuatis vasculis C perpetuo recipit, successiva suarum partium constrictione ita agitat, ut mirum reddatur spectaculum; interdum namque exaratus humor successivis pluribus constrictionebus deorsum in vesicam exprimitur; modo iterum sursum abigitur versus ventriculi fundum, ita ut perennis fiat fluctuatio; trætu tandem temporis, saniosum hoc excrementum in vesica E recolligitur. Hæc piri figuram habet, mole insigni pollet, & perpetuo excrementis scatet; ejus substantia membranea est, & exterius minimis eminentijs, quasi papillulis, exasperatur. Duplex videtur excrementum, hac vesica contentum; aliud etenim saniosum est, & quasi cinereum, quod perpetuo vesicæ fundum occupat & excretum tabis instar concrescit: alterum autem saturato & melleo pollet colore, & semper

per supernatat, etiamsi summa agitatione confundatur cum succo consocio. Hæc excrementosa materia, per alvum excreta, ita linteamina & tabulas inficit, ut perpetua subsit macula. Ab hac vesica alter erumpit ductus F, qui in anum hians hujusmodi excrementis viam parat: membranea pariter constat substantia, eaque molli, ut non parum etiam extendatur.

In fœminis, primis diebus, quibus Aureliæ forma emergit, Ovorum inchoamenta erumpere & manifestari incipiunt; horum substantia, inter primordia, mucosa est instar concreti nervei succi, cinereum ferens colorem, mox sulphureum: Ifforum magnitudo inæqualis est; etenim cum multiplices sint (ut infra explicabitur) Ovarij tubæ, haecque veluti oblonga intestina, in communem commeatum tendentia, ideo Ova, quo magis ab hoc communis ductu distant, eō minora redduntur, proportionali servato ordine; ut in *Precaria corona*, quæ vulgo *Cavaliere* dicitur, observamus.

Perficiuntur, & augmentur ova, ita ut ante novam Papilionis manifestationem singula rite conformata reperiantur; licet interdum quædam imperfecta adhuc in tubarum extremitatibus deprehenderim. Observantur etiam, in imo alvi, vesicularum & globulorum quorundam inchoamenta, de quibus uberioris infrā dicetur.

Transfacto exaratorum novem dierum spatio, vel interdum mense ipso, quibus sub Aureliæ spe-

cie Papilionis viscera firmantur, nova ejusdem succedit manifestatio, quam summopere juvat icor, inter Aureliæ corium & Papilionis cutem stagnans. Etenim excitata scissurâ in Aureliæ dorso (ubi *Umbonis* speciem extare diximus) &, circa caput & alarum implantationem, crebrâ pedum & alarum agitatione, qua hujusmodi à proprijs extrahuntur sacculis, humectatâ papilionis cute, & ibidem implantatis plumis, de facili excutitur *Aureliae* larva, & manifestus erumpit *Papilio*; unde duplex *Senium* in folliculo subest, Aureliæ scilicet & Bombycis.

Papilio, libertatem adeptus, novam exoptans auram, folliculi claustra urget; ab ore itaque copiosum eructat phlegma, quo proximum folliculi acumen madescit; tum, sursum elongato capite, urget, ejusdem texturam sensim laxando, & stamen ad latera diducendo; hocque capite, velut ariete, peragit, quo usque datâ via erumpat anteriori corporis parte, quæ super externum folliculi corpus revoluta, fixatis firmiter pedum unguibus, extremum corporis, adhuc folliculo inclusum, extrahit, & ita nova gaudens luce expandit alas, in sinistris ut plurimum circumvolutas & contortas, quæ sensim ex motu & aeris temperie eriguntur & vigent. Excrementum æruginosum impetu, & in distans ejicitur: Alæ, non elatâ è solo corporis machinâ, frequenter & celeriter dimoventur, & sonitus, quem *bombum* appellant, crebro auditur.

Mole

Mole differunt Papiliones, cùm inter ipsos ad sit sexuum distinctio, ut ex pudendorum addenda historia patebit; unde *Masculus* minor est, gracilior item, & vegetior; alvi extremitas sursum in motu recurvatur; superiores ejusdem partes, capiti viciniores, impensé turgent, & licet alis gaudeat, non tamen volatu fruitur. *Fæmina* oblongo pollet corpore, ita turgido, ut multiplices zonas glabras, transversum corporis ambientes, exhibeat, quæ nil aliud sunt, quām annulorum portiones, quæ olim in Bombyce in rugas contractæ sub annulis latitabant, & in Aurelia etiam sursum revolutæ, corporis molem breviorem reddebant; nunc vero, ut ingenti Ovorum copiæ locus detur, laxatis musculorum fibris necessariō venter elongatur, & ita in annulorum confinijs glabræ hæ intermediae patent zonæ.

Ut ipsarum verò singulæ, ut licet, pateant partes, attentius lustrandæ veniunt, Iconibusque manifestandæ; quare ab exteriori earundem habitu exordiemur. Harum corpus quasi Ovale est, & si deplumetur, eam circumscriptiōnem fortitur, quam hīc habetis: Ejus enim annuli circulares sunt, & qui medium ventris occupant, latiores sunt; reliqui verò versus extrema exorrecti atque Fig. 1. &iores fiunt, ita ut ovalis fere consurgat figura. Caput habet A, exiguum tamen, in quo bini locantur oculi B. (ut in consimilibus observatur) Fig. 2. qui semisphærā multis segmentis distinctam exhibent

hibent; unde innumeri quasi intercepti assurgunt oculi. In suprema capitinis parte antennæ, seu ignava cornicula C. extenduntur, quæ insigniter foras eminent; eorum substantia sui generis est, & fere ossea, color ad castaneum vergit, figura vero filicis ramum æmulatur; etenim per longum articulatæ ad invicem succedunt quam plurimæ partes sensim decrescentes D, quæ satis proceræ, parum deorsum curvantur, & trunci instar hinc inde curvos geminant consimiles ramos E, à quorum lateribus fusci exiguae pili pendent: superiorem vero trunci partem, pilorum & plumarum, quales in reliquo abundant corpore, ingens copia tegit. Hanc consimilem articulationem in reliquorum Insectorum antennis passim observamus, unde in singula ipsarum parte flexionis motus excitari potest.

Inter oculos ad extremum oris finem bina pendunt, palearis coloris, lata corpora F, quæ dum patula foras ex toto eminent, bubulum unguem referunt, & *Labiorum* appellationem sortiri possunt. Hæc latiori sui parte oculorum lateribus hætent, & libera deorsum pendent; solent autem intus retracta corrugari; quo casu, diminuta longitudine, ipsorum latitudo amplior redditur: sponte vero Papiliones, vel compressi ventris torturâ foras exerunt, & aquam etiam fundunt, seu mavis, exeunti ab ore humori locum præbent. Inter radicem antennarum, oculos, & labia triangulare spatum

spatium, quo os completur, resultat, solis pilis hirsutum, nullaque forma extubera... Motum habet caput ad latera, sursum, & deorsum, cum aliquam habeat cum subsequenti thorace articulationem.

Proxima Capiti occurrit corporis portio, Carneus scili sui generis circulus, arctus tamen, seu membrana, quæ, dum exsiccatur, cartilaginis naturam acquirit; hæc cranium cum reliquo ventre continuat, Collumque æmulari videtur. A prona hujus parte, ventrem constitente, bina erumpunt crura G, quorum substantia cartilaginea est, & solida, & interius excavata, ut musculis sit locus (ut passim in Crustaceis videmus.) Exarata crura G, sicut & subsequentia, quatuor habent insignes portiones ad invicem articulatas, quibus postremo pedes H appenduntur, qui multiplici articulationum serie componuntur; quibus tandem bini adduntur unguis versus interiora recurvi. Prima igitur crura G, capiti proxima, implantantur in ima primi circuli portione sub ipsis oculis, & deorsum quasi perpendiculariter elongata, primam articulationem sortiuntur, quæ insignis est; subsequens vero articulus sursum, ad exteriora tamen, diducitur, & exporrigitur versus antennarum implantationem, ubi articulatio subsequens deorsum reliquum cruris & pedis dirigit, ita ut ex vario partium cruris situ bini designentur trianguli: Hoc tamen peculiare in his primis cruribus

bus observatur, quod prima articulatio undequate libera est, & ad extra divericatur, reliquis autem subsequentibus binis crurum paribus ita arcte unitur proprijs annulis, quibus connaescitur, ut immobilis hæreat.

Subsequitur corporis pars, Thoraci analoga, à qua bina hinc inde pendent crura I, pari ordine locata: hæc à lateribus proni ventris orta, & interiora versus deducta, primâ articulatione sibi occurunt, reliquo autem eundem progressum habent, quem nuper descripsimus; in hoc tantum differunt, quod prima articulatio arcte hæret ventri, ipsique unitur: singula hæc crura brevibus plumis & pilis commodè teguntur, hisque albis, & candidis. Crura hæc motum reliquo corpori communicant, & his validè animal objecta apprehendit; unde necessario non tantum in cavis ipsorum articulis latitant musculi, sed etiam in pectoris cavitate, ubi implantantur.

Superior Thoracis pars, humeros æmulans, ijsdem excitatur annulis, à quibus exordium sumunt exarata crura; hæc eminentes quasdam habet particulas in Aurelia ipsa assurgentibus, parumque fi-

Tab. 9. gura discrepantes: Etenim prope antennarum A
Fig. 3. implantationem, elata quædam circuli portio B,
Cervicis instar, emergit, sub qua (ut reor) crurum vel antennarum musculi locantur: subsequitur scuti-formis quidam tumor C, cui alter quadrangularis appenditur. Hi omnes eadem annulo-
rum

rum substantia semi-cartilaginea excitantur, pilis
 que & pennis continguntur. Sub his validæ & co-
 piæ fibræ carneæ, lutei coloris, conduntur, quæ
 totam pene hanc pectoris cavitatem replent, &
 versus superiora diriguntur, & tandem recollectæ
 musculos efformant, qui alarum radicibus inse-
 runt. A lateribüs scutiformis hujus protube-
 rantiæ, non longe ab alarum implantatione, bini
 quidam processus D cartilaginei, deorsum incli-
 nati, foras erumpunt. Alæ E, seu, cum *Aristotele*,
 pennæ, non longè à descripto dorso & in Umbone
 implantantur: binæ hinc inde sunt; superiores K,
 quæ ab humerorum apice erumpentes ad latera ex-
 tenduntur, & ampliores sunt; reliquæ verò L, hu-
 miliorem situm versus pronam pectoris partem oc-
 cupant, & minori pollent latitudine, singulæ soli-
 dioribus quibusdam componuntur gracilibus &
 oblongis partibus M, quæ cæteris firmitudinem
 præbent; earumque substantia quasi ossea est:
 hæ, arborum vel plantarum more, à quodam com-
 muni quasi truncō pendent, qui alarum radicem
 firmat, & ulterioris productæ dissociantur, & alias
 ulterioris germinant fibras, quæ ad alarum extremi-
 tatem exporrectæ oblitterantur; spatia vero inter
 solidas hasce fibras suborta tenui quadam & qua-
 si diaphana replentur substantia, quæ specularem
 lapidem æmulatur; unde ex his omnibus alarum
 consurgit expansio, ipsarumque levitas. Tota ala-
 rum moles undique pennulis, seu plumis, tegitur;
 foramina

Tab 9.

Fig. 2.

foramina etenim determinato ordine per transversum observantur, in quibus exiguae pennae inseruntur, quæ ex levi tamen manuum contrectatione decidunt, unde hujusmodi alæ farinaceæ dictæ sunt.

Reliquum papilionis corpus, ab alarum implantatione usque ad alvum, octo compaginatur annulis seu segmentis, quæ molli adhuc substantia succini colorem referunt, pilisque & pennis conspersa constant. Horum portio (ut superius tactum est) denudata pilis, sursum reflexa in masculis latitat, in fœminis autem Ovis turgens, unâ cum annulorum reliquo foras eminet.

Tab. 9. Ventris extremitas ob pudendorum varietatem
 Fig. 4. diversimode terminatur; etenim in masculis ultimus annulus A in prona ventris parte cartilagineus, seu potius osseus est, & versus alvum in Appendices quasdam B. lacinatur. A postremo hoc annulo membrana quædam gilva pendet, quæ sensim acuminata osseam pudendi & ani machinam ambit & continet, sicque ventris cavitas clauditur; hæc inflabilis est, & ad libitum, dum præcipue fæcibus datur aditus, quâ anus componitur, & penis custoditur, mirabilis est. Ut autem hujus singula pateant, papilionis venter digitis ita comprimatur, ut extremus tantum annulus cum erumpente sexu libere pateat, & tota Papilionis corporis longitudo perpendiculariter pendeat, illico occurrent bina hinc inde corpora in gyrum horizonta-

zontaliter ducta, quæ in prona B ventris parte orta,
lateraliter sursum producta, sensim graciliora red-
dita incurvantur, ultraque prominent, velut in-
signes unguis, vel rostra ; eorum color flavedinem
refert, substantia vero, in basi præcipue, solida &
fere ossea est : hoc tamen interdum observavi, quod
dum vi Papilio ipsa adunca reddit, non tantum
mutari radicis situm, sed medium & quasi acuti-
orem ipsorum partem flecti, & curvari quasi ar-
ticulationem haberent.

In medio spatijs, ab his descripti, & circumdati,
osseum quoddam, velut flos C, locatur corpus,
quod in superiori regione, hoc est, in extima par-
te foras erumpente, retortis finibus D, patens os
exhibit, anique E extremum custodit orificium.
Pluribus ossiculis conflatum diceretis gibbum &
convexum hoc corpus, si compagationes, rimu-
lasque attenderetis. Interior hujus cavitas tenui &
gilva membrana investitur, quæ parum acumina-
ta in modum intestinuli, extremum anum E con-
stituit ; unde ad animalis libitum exeritur, foras-
que propellitur. In primo rostrorum exortu A,
ubi in B se contingunt primæ ipsorum productio-
nes, convexa quædam substantia F, Umbonis instar,
continetur, vel quasi pharetræ : Hæc propria sub-
flava investitur membrana, intusque astulam G cu-
stodit, quæ interdum foras exeritur, *penisque* veram
refert naturam. Situm igitur habet penis inter ex-
tremum osseum annulum, qui pronam ventris par-

tem cingit, & anum, qui osseo sepimento fulcitur: ejus cannula ossea est, sui tamen generis, ortumque habet inter apophyses, seu extrema pharotræ, mox descriptæ, intra tamen ventrem condita. Hujus radix A modice arcuata est, & ejacula-

Fig. 1. & torio vase, à parastatibus B seu asservantibus ten-

2. dente, arctè nectitur, ita ut *penis* videatur ejusdem continuati vasis extremitas. Totus Cannulæ seu fistulæ ductus perforatur, ut exeunti semini pateat via. Circa ipsam plicabilis quædam tunica C, veluti *præputium*, ludit, inferiorem præcipue partem investiens. Superior penis astulæ extremitas sensim gracilescit, & tandem sub specie solidi acuminatique rostri D definit, quod versus superiore recurvatur. Ab hac eadem parte, quæ versus humum dirigitur in papilionis incessu, proportionalis *glans* E, qua penis extremitas ornatur, erumpit: Hæc interdum turgida, & tuberosa redditur; tribus autem carunculis F. G. H. non raro inflatis componitur, quæ rugis & foveis asperæ reduntur; harum prima F cum reliquis rudem efformatura triangulum, apice suique acutiore portione ab astulæ mucrone D pendet, & sensim latior effecta, trianguli partem efformat: sub ipsa, hinc inde binæ assurgunt excrescentiæ carneæ G, H, quæ ab osseæ cannulæ cavo emergentes ad latera erumpunt, & acuminatis finibus I. K, veluti rostris, versus penis tergum parum revoluuntur, ita ut hujusmodi glans, floris instar, apertis & revolutis

(75)

volutis tribus folijs compaginetur. In medio harum meatus conspicuus L hiat, per quem semen emittitur.

Papilionis penis frequenter exeritur, & extra eminent more animalium, quæ averso corpore coeunt; etenim Glans penis, versus ultimum corporis directa, dum ulterius horizontaliter movetur, ultra extremum alvi exporrigitur, ejusque motus spiralem quasi designat lineam; nam vibrata penis astula revolvi videtur, ex quo probabile est, binos musculos, quibus penis foras exeritur, spiralem insertionem habere, uti in *pici* lingua, ut exeratur, observare est.

Parum absimilem *Penis* structuram in id genus Tab. II.
Insectis alijs observamus. In vulgari papilione recurvus unguis A extremum ventris terminat, à cuius basi B bini acuminati processus erumpunt, inclusum autem spatium è membranoso sacculo C, in extremum anum desinente, occupatur. Non longe ab appendicibus B, penis præputium D inseritur, à quo emergit ejusdem astula E cum propria glande; hæc autem peculiari quadam vagina F custoditur, quæ exterius pilis & plumis tegitur, interiorius concava est; &c, cùm duplii constet parte, hinc est, quod de facili, dum coitum est animal, hinc inde diductis & apertis partibus, penis est in pro- Tab. II.
patulo. In *Cicadis* etiam fœminis, eadem pudendi conformatio imum ventris occupat: In his pe- Fig. 2.
nis A binis constat ossibus, quorum extremitas,

L 2

pluribus

pluribus eminentijs aspera, glandem B constituit ; custoditur autem vaginâ C, quæ & ipsa in binas aperit partes non longé ab ano D.

A masculino pudendo ad foemineum transitum faciam. Ventris extremitas annulo A, qui in pro-
 Tab. 11. na sui parte osseus est, completur ; ejus forma la-
 Fig. 3. ta & per-ampla est, pilis & pennis tegitur. Ab
 hoc annulo complicabilis pendet membrana B,
 quæ sensim angustata osseo quodam circulo C,
 angustiori tamen, circumambitur. Hic tribus la-
 mellis ossis constat, in gyrum ductis, quibus ul-
 tima alvi custodia paratur. Inter dictos annulos
Vulva D, quæ saturatiōri pollet colore, & solidi-
 ori etiam substantia : Ejus forma semi-lunarem
 concham, vel apertum calicem æmulatur, & in pro-
 fundiore sui parte scissuram E, qua penis admittit-
 ur, habet. Extremi tandem ossei circuli spatium à
 membranea quadam tunica occupatur : hæc sta-
 to tempore ad animalis libitum, vel fortiter com-
 pressa alvo, ita turgida redditur versus imam ven-
 tris partem, ut foris eminens protuberantias F
 quasdam efformet , Cotonei pomi speciem refe-
 rentes. Ab harum medio bini erumpunt ovales tu-
 more G, qui pilis conspersi, intermediae scissuræ H,
 anum efformanti, locum præbent ; unde proba-
 bile est, interius communem quandam cavitatem
 adesse, (velut in *pennatis* accidit) qua ultimò
 fæces, & ova, mox per anum exitura, parum de-
 tineantur. Observandum tamen, ani foramen su-
 periora

periora versus dirigi; quin & monticulos G, quibus custoditur hujusmodi scissura, non ita facile lustrantibus imam & pronam ventris partem patere.

Externum papilionis habitum hucusque descriptum, pennis & pilis tegi diximus. Pennarum configuratio illa est, quæ parum in grandioribus pennatis appetet; astulâ enim A, ceu calamo, firmantur, qui sensim gracilescens, hinc inde plumas B appensa habet: Hoc tamen peculiare in hujusmodi pennis observatur; ab ipsarum scil. extremo confinio aliquas prominere proceras plumas C. Non eandem sortiuntur magnitudinem, ut in consimilibus paßim observatur; sed aliquæ proceriores oblonga firmantur astula, reliquæ vero brevi; illæ ab extremo alarum limbo pendent, & pilis promiscuè habitum corporis tegunt; reliquæ vero alarum expansas cartilagines cooperiunt.

Consideratis exterioribus, interiora pandenda veniunt; quæ cum multum mucositatis habeant, arcteque tracheæ vasculis implicentur, difficilem ipsorum indaginem reddunt.

Lacerata itaque cute, & annulis, quæ totius corporis operimenta sunt, dubitandum occurrit, an altera subsit membrana, cum interdum ipsius vestigia deprehenderim: Et in naturæ penum ferax est membranarum proventus, ut nil copiosius in animalibus observetur. Certum tamen est, carneas illas

Tab. 11.
Fig. 4, 5.

illas fibras, quibus universum retrahitur corpus, adhuc extare: hæ corporis longitudinem excurrunt; nec obliquarum vel transversalium vestigia deprehendere potui.

Hinc inde in lateribus ab interiori cute pendent tracheæ rami, qui ad singula viscera diramificantur, in seipso ita collapsi, ut circulorum loco minimis quasi squamis compaginentur. Ventriculus, & intestina olim crocea adhuc observantur; qualia in Aurelia descripsimus. Medium dorsi, bini Tab. 10. testes M, ampliores redditi, occupant: Hi fæ-
Fig. 1. olorum figuram æmulantur, & à quam-plurimis tracheæ ramis gibba ipsorum pars contegitur. In concava sui parte vascula N emittunt, quæ ver-
sus extremum alti producta, sensim laxata, & in apophyses B extensa paraftatarum, vel fal-
tem affervantium, usum supplent. Hæc ulterius sub vasorum specie elongata, ejaculatoria vasa constituunt, quæ in unum ductum desinentia, ad penis radicem postremo deducuntur, & ita semini in testibus producto via patet in affer-
vantia, ab his, in penis meatum.

Testes adulto jam Bombyce emergunt, in Au-
reliæ statu permanent, & auctiores redduntur, &
postremo impensé contento semine ita turgent,
ut soli vigeant, propriaque mole cætera viscera,
jam sensim cadaverata, superent: Horum color
palearis est, dilutus tamen, substantia vero friabi-
lis, & mucosa.

Fœminarum

Fœminarum ventris cavitas *Ovario* contiguisque visceribus repletur, ita ut ipsarum moles impensè emineat. Ovarium productio quædam intestinalis est, exortum habens ab extremo ano; membra neā constat substantiā, quæ de facili extenditur, & corrugatur, multumque roboris possidet. Hujus truncus A, in anum definens, minoris unguis latitudinem æquat: dum interius procedit, in binos dividitur ramos B, qui ulterius parum producuntur, singuli in quatuor æque oblonga intestinula C subdividuntur, & tandem unitis extremitatibus, ad centrum ventris reflexi, ultimum habent terminum. Horum quilibet in tota sui expansione similis est, & longitudinem Indicis æquat. Consimilem structuram in *Carabo*, & alijs etiam, deprehendi; illud tantum discriminis intercedebat, qnod Ovarij fines seu rami, ubi Ova gignuntur, & detinentur usque ad debitum tempus, numero copiosiores erant, breviores tamen, ita ut quatuor tantum Ova tubæ seu Ovarii ramum occuparent; quod in *Cicadis* etiam accidit. In *Locustis* autem copiose sunt Ovarij productiones, sed singulæ unicum tantum ovum continent; in nostris autem Papilionibus sexaginta, & ultra, ova D. in singulo exarato ramulo C continentur. Tubarum interior cavitas ovorum generationem & commeatum promovet; in octo enim elongatis uteri productionibus C, ova exortum & incrementum habent, & ad statum usque excretionis tempus detinentur;

quo

quo apparente, sensim per continuatos geminos ductus B in ultimum A, velut in communem truncum exonerantur, & ita ovorum fætura succedit. Ovarij tubæ, tunicis conflatæ, vasculis copiosis, ad modum retis implicitis, irrigantur, à quibus probabile est ovorum materiam decidere; ut in ute-ris Gallinæ non improbabiliter veremur. His ad-duntur evidentes tracheæ rami, quibus non tantum ipsarum extremitas firmatur, verùm & totus pro-gressus irrigatur. Motum habet Ovarium peristal-ticum; patenter enim impetu quodam retrahuntur ipsius partes, & præcipue truncus prope anum, unde probabile est, fibris (velut in quadrupedum intestinis accidit) donari, cum ejus corpus max-imè ibidem crassius existat.

Plura circa Ovarium natura locavit, quæ, cum in ipsum hient, hic pariter exponenda veniunt. Ova-rij truncus A, antequam binos promat ramos B, oblongo cuidam corpori E nectitur, cuius interi-or cavitas cum trunco A pariter communicat. Cor-pus hoc E colorem & substantiam quasi nerveam possidet, & aliqualiter solidam; ejusdem figura variat, interdum enim bina ovalia corpora F, arcte invicem contigua, præcipuam huic corpori molem præbent; interdum tamen unicus est venter, piri vel oleæ fructus speciem referens. Huic F per-petuo additur alterum rotundum modicèque latum corpus G, ovalis pariter figuræ, quod altera ex-tremitate cæcas quasi radices promit, in imo ven-tris

tris conditas; altera autem extremitate colum seu ductum emittit, qui unitus portioni ovalium corporum F, communem pro exaratis finibus canalem H efformat: hic autem in ovarium hians absimitur, unde latus humor, hujus visceris ope recollectus, in ovarij truncum exprimitur.

Ab opposita Ovarij parte, versus tamen anum, aliud pendet corpus I, majoris tamen magnitudinis; hoc globosum est, & colore figuraque Occidentalem margaritam æmulatur.

Duplicem ductum habet, alter enim brevis & latutus K, qui tendit ad radicem extremae ossæ coronæ L, ubi in excitata ossæ concha Vulvam hiare diximus: aliud autem colum M, quod longius est, Ovario appenditur, ibique aperto ore definit. Corpus hoc I interius habet configurationem: non enim sacculi instar ipsius concavitas laxatur, vel aperitur, sed lacerata exteriori tunica, quæ margaritæ superficiem imitatur, globulorum N quinque & septem ut plurimum racemos emergit, qui Tab. 12. pedunculo communi O, huicque perforato, ap- Fig. 2. pensus, elongatus ulterius ad Ovarium M, & ad fœmineum pudendum L, propriam sortitur strucram. Interior cavitas mucoso quodam, persimili ptilanæ hordeaceæ, succo refertur; quare cum in hanc, ut inferius patebit, immisso pene, semen ejaculetur, ibidemque detineatur & foveatur, illam Uterum esse credidi, à quo semen cum commixto succo sensim (ita enim probabiliter reor) per M proprium.

proprium ductum M pertransiuntibus ovis aspergatur; unde subsequentibus observationibus firmare placuit non semel conceptam conjecturam. Papilionis foeminae, quae masculi concubitu fœcunda, ovorum fæturam incœperat, ventrem aperi, & Ovarium una cum contentis ovis, reliquisque adjacentibus visceribus extraxi, ut præstosse essent pro elicendo *Ieone*. Singula igitur Ova, in tubis contenta, parum compressa, sulphureique coloris, & consequenter infœcunda permansere; ovum autem, quod in Ovarij trunco prope Uteri hiatum hærebat, turgidum & violaceum statu tempore redditum permansit, utpote fœcundum. Quid simile etiam miratus sum in sponte diu defuncta papilione, cuius ventrem, cum plus justo turgidum intuerer, dissecui, & tota ovis copiose scabebat: Non longe ab anno, in extremo ovarij truncо, quædam aderant ova violaceo perfusa colore, qui transacto certo temporis spatio indui ab his sollet tantum, quæ fœcunda jam sunt: Interior continuatus Ovarij truncus in tumorem assurgebat. Dum igitur fœcunda abstuli ova, en successit intestinulum, farciminis instar, ex concreto quædam succo, in quo occludebantur quædam ova violacei pariter coloris, affusum verò corpus, ex substantiæ modo, colore, cæterisque accidentibus, semen ab utero eructatum, ibique præter naturæ legem concretum conjeci, cum in exteriori Vulva orificio eundem deprehenderim succum; & in-

in Masculis etiam ab extremitate uretræ, in spiram circumvolutum perfimile semen pendere viderim. Quare ex his veritus sum, Ovorum productionem absque masculi ope, ut in Gallinis accidit, peragi; ipsorum vero fæcunditatem ex aperso masculino semine, jam in utero recepto, subsequi, dum singula ova à tubis decidua Ovarij truncum subeunt, in quem semen, jam utero conditum, aliaque ab adjacentibus visceribus eructantur. Et ut elicita jam conjectura sensatis, prout licet, firmaretur observationibus, alia molienda duxi. Ova igitur fæmellæ, quæ masculum diu admiserat, ipsorumque fæturam inchoaverat, è ventre extraxi, eaque ab ovarij tubis, quibus continebantur, libera reddidi, illa tantum custodiendo, quæ adhuc tubis contenta Ouarij truncum non attigerant; hæc ad statum tempus servavi: In his itaque primævus & nativus sulphureus color perpetuo duravit, quin & gracilia redditæ sunt, emergente insigni quadam fovea in ipsorum medio, & exhausto ut plurimum humido, arida quasi omnia permansere, quod subventaneis ovis familiare est; postremò Ova hæc blando virginis calore & æstatis temperie fota, nunquam Bombycem edidere. Ut rursus evidentius & proprius rem attingerem, Papilionis ova subventanea, expresso ab utero semine, vel ab asservantibus masculinis apersi, ipsaque statu tempore fovenda curavi; sed cum ipsorum color sulphureus perpetuo durasset, infæ-

cunda permandere : At maxima sane fuisset experientia felicitas, si juxta praeconcepta successisset. Consimilia interim vestræ sagacitati committo, dum reliqua Ovario adnexa viscera perlustro.

Prope igitur extreum Ovarii A finem, oblongam & insignem locavit natura vesicam P; hæc imama alvum occupat, & per transversum locata ovarii truncum superæquitat, longisque productionibus ad latera elongatis, moxque reflexis versus extreum ventrem, cæcis quibusdam radibus suos sortitur terminos : Ejus substantia membranea est, tenuisque texturæ, unde de facili frangitur, & diaphaneitatem aliqualem præ se fert. Ejus forma, bina Brutorum uteri cornua unita, absque Uteri intermedio corpore, æmulatur ; oblongum enim intestinulum, vel vesicam, qualis in piscium ventre observatur, præ se fert, & modo extuberat in globulos, modo in formam vasorum coarctatur, & tandem extremis finibus in cæcos absuntur ramulos. A centro hujus vesicæ, ubi scilicet eadem Ovario incubabit, canalis quidam R, brevis & arctus, eadem vesicæ tunica excitatus emergit, qui in subiectum Ovarium hiat. Repletur oblonga hæc intestinalis vesica P aquoso quodam & diaphano humore, qui aliqualem possidet amaritatem, & per exaratum colum R in Ovarium derivatur. Laterales hujus vesicæ productiones, hinc inde ab Ovario locatae, sibi invicem communificant, cum pars supra ovarium cubans nullo polle-

at

at septo, unde compressione media contentus humor omnes pervadit productiones vesicæ, quin & fortiter compressis singulis vesicæ particulis nullus erumpit humor per cæcos fines Q, sed totus perductum R in Ovarium exinanitur. Parum absimilem structuram in *Locustis*, *Carabo*, & alijs observamus. Contenti humoris naturam tentaminibus assequi mihi non licuit ob ipsius paucitatem; interdum tamen suspicatus sum, naturam hunc liquorem ad maiorem affusi seminis penetratorem, vel ad leniendum ovorum exitum, vel saltem ad ipsa custodienda, parasse; cum constet, Ova, dum in lucem eduntur, parum madida esse, mox exsiccata ita fortiter occurenti tabulæ, linteis, & consimilibus, hærere, ut nisi affuso vino diluantur, vel summa vi ebellantur, nunquam à primævo dimoveantur loco. Nec multum dissimilia refert Immortalis *Harveus*, quæ in parva *Scotia*æ insula observantur; quædam enim ova, dum nascuntur, lenta quadam madent humiditate, quâ veluti ferrumine, substrato saxo agglutinantur.

Avulso Ovario, cæterisque viiceribus, ventris cavum occupantibus, occurrit Cor, longitudinem dorsi excurrens, quod in Bombycibus jam vigere diximus. Eadem est omnimoda structura, quam superius proposui, si externum colorem motumque inversum excipiatis: Cordium enim tunicae, densiores factæ, amissa diaphaneitate subcroceum induunt colorem, unde in Papilione magis eminet

cor,

cor, quam in Bombyce: Motus etiam cordium, primis Aureliae diebus acquisitus, adhuc perdurat, à superioribus scil. ad inferiora expressus, & successiva Systole succus propellitur. Nec ita constans est hæc naturæ semita, quin leví etiam ex causa varia reddatur, unde nil forté inconstantius; tot namque anomaliæ in hoc cordium motu contingunt, ut fas sit, parumper Vos detinere eorum historiam, quæ sæpius observavi. Memini in Papilione motum Cordis (quod rarum est) ab inferioribus superiora versus me observasse; deinde tamen, transacto brevi temporis spatio, mutatis carceribus, incœpisse à superioribus inferiora versus, diu que durasse: In consimili Cor movebatur versus extrellum corporis; cordium vero, superiorem corporis partem occupantium, diastole rara erat; inferiorum vero celer & frequens, & quæ corporis medium occupabant, raro pulsabant; tandem circa caput pulsus perduravit, quiescentibus reliquis corculis, motusque undosus erat, versus superiora directus.

In Papilione pariter Cor pulsare cœpit ab imis versus caput; secundo interim per transversum cordis ductu inferior portio ab imis ad superiora movebatur, hac tamen ratione, ut humilior hujus pars celerrimè moveretur, subsequens autem raro, altera autem pars in oppositum pulsaret. In alijs etiam facta eadem cordis sectione, divisæ ambæ partes primo versus caput, postremo versus caudam

dam constringebantur, & contentus Icor in singulis pulsationibus exprimebatur. Alias in Bombyce, proximé evasuro in Aureliam, cordis motus ante ventris sectionem ab imis ad superiora dirigebatur, peracta tamen sectione, mutato termino, septuaginta edidit pulsationes, quæ universum cordium tractum liberé excurrebant; sensim autem iterum redijt motus à cauda ad caput, & postremo parum diducto unguibus humiliori corculo, à superioribus inferiora versus revixit chorea. Frequentissimè è mortuo animali diversi promuntur motus in tot corculis sibi invicem communicantibus; nam in unico tres fiunt pulsationes, in contiguo una tantum, vel binæ saltem: quin & in eodem corculo diversitas succedit; etenim si portio cordis ad latus inclinetur, celerrimas & frequentissimas promit pulsationes, trémoris instar, reliqua vero, proprium servans situm, de more pulsat. Motus etiam extictioni proximus non unum perpetuo servat rhythmum; interdum namque frequentissimus est, aliquando tamen sua extinguitur raritate, & affusa aqua vel saliva reviviscit.

Ut tandem pulsuum varietatem expediam, binas addam inspectiones, quas contigit cum doctissimo Dom. *Carolo Fracassato*, Collega meo, reprehendere; quarum prima in *Erucæ* corde, vulgariter *Pinnæ* dicta, successit. In hac igitur, corcula invicem hiantia ab inferioribus ad superiora,

(ut in cæteris consimilibus, quæ ad meas devenerunt)
manus

manus, perpetuo observavi) moveri cœperunt: Tunicæ eorum, diaphanae & ipsæ subjectarum membranarum colore parum inficiuntur; interea tamen exarata corcula modo sursum modo deorsum versus constringebantur, unde contentus icor varijs hisce motibus percussus fluctuabat; & quia pinguedinis bini globuli invicem hærentes in contento intra cordis cavitatem humore parum immersi jactabantur, ideo mirum reddebatur spectaculum.

Hi itaque, ex Cordis Systole expresso humore, in quo innatabant, ab imis sursum pellebantur, & frequenter impetu regrediebantur; at ubi in latiori corculi parte commorabantur, superveniente Systole motum recipiebant versus superiora, summa cum velocitate, & quandoque ascendebant ultra tria corcula; quotiescumque vero in angustiori corculi parte stagnabant, subsequente compressione ut plurimum versus caudam exprimebantur. Non raro, perditurantibus Corculorum pulsationibus, motum vertiginis habebant, & interdum, & frequenter etiam fluctuabant enarrati globuli absque considerabili progresu.

Tab. 12. Fig. 3. Alteram observationem ex Aurelia collegi numeri perrimé excitata, in qua Cordium motus à capite ad imum dirigebantur; deinde ab hoc ad medium, à quo in oppositam caudam remittebatur propulsus icor, velut Iusoria pila, & ita non parum duravit hic naturæ ludus, donec bini motus in oppositos terminos directi, à medio sursum & deorsum

orsum erumperent : & tandem unicus superstes perduravit motus , a superioribus scil. ad inferiora.

Hæc sunt ea, quæ circa motum cordis in Papilionibus & Bombycibus frequenter observata, Vobis communicata volui, ut inde pensitatis singulis ulteriora eruatis ; dum interim superior ventris portio utriusque Papilionis lustranda occurrit : Ab hac autem turgens quædam Vesica A pendet, quæ aere referta piri formam sortitur, & in auctiori sui parte tubulum B habet, qui in os Papilionis desinit. Hujus substantia membranea est, & tenuissima, ita ut de facili laceretur, & perluceat ; quare si exquisito Microscopio lustretur, fibrulas C, ipsam cingentes, exhibet. Hæ omnes Vesicæ circumferentiam ambiunt ; aliæ enim per transversum deducuntur, reliquæ vero per longum ; ita ut singulæ ipsius partes subsequentे compressione exinaniantur. Exaratae sibrae ita implicantur, ut rete consurgat. An sint vasorum productiones, an carneæ fibrae, interdum dubitavi ; quoniam tamen non absimilem structuram in quibusdam piscibus, quibus membranei insunt Pulmones, quin & in ipsis Testudinibus reperi, ideo carnosos musculos esse censeo, quales in urinaria vesica extant. Aere intus contento turget, eodemque expresso detumescit ad animalis libitum ; unde non parum ovoidrum excretioni in fœminis, & seminis in masculis cum conferre rationi consonum videtur. Nec probabile

babile est, vesicam hanc eundem sortiri usum cum vesiculis, quas in Piscibus passim observamus; etenim Papiliones pedibus solo hærentes corporis molem urgent.

Inter enarrata hucusque viscera graciles *Omenta* productiones locantur; hæ vitellinum referunt colorem, & cum omni fere orbentur pinguedine, de facili obscurantur.

Capitis interior compages, ob sui exiguitatem & friabilitatem, non undequaque mihi patuit. Hoc unum observavi, antennas interiorem cranij cavitatem subire binis rotundis truncis, seu radicibus, qui in styli-formibus processibus occurrentibus implantantur, & forte carneis fibris pro ipsorum motu continuantur. Reliquum Cranij replet *Opticus nervus* per transversum ductus; cinerei coloris, & cylindri figuram tenens; in medio tamen parum angustatus nequitur *Spinali medullæ*, deorsum productæ. Hic nervus ad basim oculorum, sui expansione, exteriorem tunicam, hancque nigram, constituit; interiorem pariter, quasi argentea, ulterius promit: Reliquos humores non licuit in totum assequi ob exiguitatem. Dilucidior tamen *Optici structura* in grandioribus *Caneris* observatur, qui facilius vobis præsto esse possunt, & ut reor, jam à vestra sagacitate examinati fuerunt.

Sed longa forté Papilionis partium historia vostorio affeci, unde reliquum ejusdem vitæ, quod, ni-

ni fallor, Bombycis ultimum est senium, compendio complectar. Papiliones illico ac lucem adepti sunt, coitum tentant; nam masculus incurvata corporis extremitate celerrime progreditur & regreditur, donec in præhensam fœminam extremam alvum, ubi proprium locatur pudendum, vibret, & illico raptam fœminæ Vulvam unguibus & aculeis ad se trahit, sibique jungit; pronam enim membranæ, anum ambientis, partem ita unguibus retrahit, ut utriusque aversi corporis extrema se contingent: Mox penem exerit, ejaculatur, intraque pudendum fœmineum condit, & tunc contracto corpore alas per vices quatit, & capite ipso latabundus annuere videtur. Placuit editos alarum successivos iictus dinumerare, & saepius in ipso coitu continuatim summa cum celeritate centum & triginta & ultra promit, quibus peractis conquiescit quasi mortuus, vel à conjugio separatus per horæ quadrantem jacet; iterum reassumpto coitu solitum alarum motum edit, longe tamen minus, cum saepè non excedant triginta sex iictus: à quibus feriatur, hilaritatem tamen adhuc servat, erectas tenendo alas; quo tempore fæmella elongato corpore, humique demissò ventre & dejectis alis jacet, mari tamen adhuc juncta. Hora interim excurrit quietis, quam alarum pauci subsequuntur motus. Durat hæc chorea quatuor dierum spatio; in fine tamen otia longiora sunt. Transacto primo biduo solent mulieres ipsas sepa-

rare, & sponte etiam interdum Bombyces ipsi post primos concubitus non iterum coeunt; quare masculus curvato corpore, eodem fere servato situ, celeri vertigine tentatur, editque bombum. Abruptâ copulâ, brevi, reliquoque vitæ curiculo fœmina ova edit. Horum fætura ut plurimum quatuor partitis vicibus, quas repetiti coitus intercedere solent, completur; comprimendo enim & ccarctando medium & extremam corporis regionem, foras elongato ano, ova in subiectam humum vel linteolum propellit, quibus ita hærent, ut vix cultro & unguibus amoveri possint. Singulam ovorum excretionem subsequitur brevis quædam quietes, qua vix *Angelica salutatio* recitaretur. Et licet Papilio novum semper mutet situm, contiguitas tamen, & proportionalis intercapedo, quin & ordo in excretis & humi hærentibus ovis observatur, ut lineam flexuosa designent. Excreta ova ut plurimum sunt 516 vel 514, interdum minor est ipsorum numerus, cum aliquando 446. dinumeraverim, & interdum 393. Non omnia tamen ova tubis contenta in lucem erumpunt, sed interdum viscoso quodam concrecente succo in Ovarij trunco quasi singula detinentur: interdum in ovario triginta adhuc remansisse observavi, & infæminis, quæ masculi concubitum non sunt passæ, frequenter ovorum supprimitur fætura, ita ut parum vivant.

Perdurat Papilionum vita juxta diversam aeris temperiem

temperiem; nam vigente æstu citius intereunt, unde quintum tantum diem attingere vidi; interdum tamen, ut Augusti mense, duodecim dierum spatio vixit Papilio; in principio autem hyemis ad mensem perductus est: superstite masculo per aliquot dies obire primo frequenter solet fœmina. Ante interitum à dorso decidunt plumæ, & pili, ita ut subjecti corij citrinus color erumpat; alarum extrema corroduntur, totum impensé turget corpus versus superiora. In fœminæ cadavere aliqua interdum ova supersunt; viscera circa Ovarium locata observantur, & in oblongis vesiculis, superius descriptis, exiguum diaphani humoris stagnat.

Stercoris vesica interdum etiam turgida sanofo excremento emergit, nec appensa intestinula ex toto delitescunt. Tracheæ vascula mollia & flaccida supersunt. Ventriculus ad superiora retractus obscuratur; Uterus inter cætera viscera, majorem naectus soliditatem & firmitudinem, evidenter patet, & viget. Aeris vesica ita turget, ut papilionis corpus auctius reddatur, & tandem excisato cadavere, vacua quædam interior remaneat concavitas. In extremitate interioris alvi, quatuor vel quinque acuminati ossi processus, à masculino pudendo derivati, observantur. Et quoniam hæc singula cadaver constituant, ideo abjiciuntur, solaque mox fæta supersunt custodienda ova. Hæc illico ac edita sunt, citrum seu helvum dilutum referunt

referunt colorem, qui in tubis etiam efforēscet, sensim tamen immutatur, ut *Xerampelinus* fiat, & tandem hyacinthinus vel purpureus evadat. Hanc successivam colorum mutationem multum juvat ambiens Aer; unde vigenti calore per biduum tantum *Citrius* perdurat color, & intra quadrūm *Violacea* redduntur: Interdum septem diērum spatio hoc totum peragit negotium, & ingruente hyeme in longius protrahitur hæc colorum mutatio. Non idem tamen efflorescit color in singulis ovis; etenim, quæ subventanea sunt, quorum scilicet fætura non præcessit utriusque papilionis concubitus, primævum citriū servant colorē, sicut & ova, quæ à tubis Ovarijs papilionis eruuntur, licet fœmina jam vivens fœcundata fuerit; interdum etiam à fœmina, masculo conjuncta, subventanea quædam, inter cætera fœcunda, eduntur, in quibus *Citrius* perpetuatur color.

Tab. 12. Ovorum figura A ovalis est, parum tamen deprecta, unde binas habet laterales concavitates B, quæ sensim, senescente ovo, patentiores redduntur; in subventaneis vero ovis frequentissimè tan-ta excitatur concavitas & depresso, ut contusa videantur ova. In altero etiam ovarum acumine exigua quædam observatur fovea, penè similis illi, quæ in acino, avulso pedunculo, relinquitur.

Testâ, ut cæterorum animalium, ova teguntur; hæc nequaquam friabili constat materia, qualis in Gallinaceorum genere observatur, sed veluti cornuum

Cornuum lamina, diaphana & flexibilis est, unde
in frustula, forcipibus ad placitum, scinditur. Exte-
rior testae superficies non absolute lœvis est, sed
rotundis minimisque tumoribus sibi contiguis af-
pera redditur, ut *Squatinae* corium æmuletur.

Ovi concavitatem luteus occupat humor, qñ
solitum refert colorem, & levit elixatione concre-
scit. An ultra luteum aliud adsit, sensus non
atttingit. Membrana quadam crassiori Vitellus con-
tinetur: hæc plura habet, quorum dilucida cog-
nitio physicas meditationes valde promoveret,
si illius exiguitas non obstaret. In fœcundis ita-
que Ovis violacea quedam corpora supra ipsam
excurrunt: hæc non, vasorum in modum, tubu-
loso & fensim decrescente canali componuntur,
sed graminis vel hederæ instar, duobus conflantur
gracilibus scil. pedunculis, & latioribus quibus-
dam corporibus, veluti folijs annexis: hæc com-
munem non habent truncum, sed invicem impli-
cantur; quæ vero intercedunt spatia, ovalibus re-
plentur corporibus, circa quæ ludunt superius ex-
positæ productiones. Hæc diaphano succo re-
plentur, & proinde pellucida sunt, & in crudis
elixatisque ovis patent. Hoc evidentius sperabam
me in Gallinaceis ovis repertum, sed excidit spes;
nam hoc unum attingere potui in mox apertis ovis,
& adhuc humectata exteriori membrana, cuius
substantia surculis ferè diaphanis exaratur, qui ra-
morum arboris instar in minores geminantur pro-
diffingunt ductiones

ductiones, & mutua implicatione solitum rete efficiunt: Non est autem unius truncus, à quo singuli pendeant rami; intercepta vero membrana ab exaratis surculis, albis quibusdam frustulis, & globulis etiam constat, quæ omnia videntur correspondere mox comprehensis in Papilionum ovis. His addiderim, testam gallinaceorum ovorum cicatricibus frequentibus refertam esse; unde ex his veritus sum, affusum humorem in Ovarij trunco per hæc testæ stigmata in continuatos ductus, in membrana exaratos, propagari posse, cum a vulso ovi cortice, quidam processus, qui à subjecta emanant membrana, lacerentur; &, cùm reticularis ille plexus in papilionum ovis violaceo succo turgeat in ijs tantum, quæ masculino semine asperfa sunt, (infæcunda enim nullum hujus vestigium habent, sed frequentissime exsiccata in pulverem teruntur,) ideo dubitari potest, subintrantem semenis partem in membranarum alveolis contineri, ibique conservari, & turgere, sive hoc contingat in ovalibus illis corporibus, seu in reliquis violaceis productionibus. Pervia foramina in Gallinaceorum ovorum testis indicare videntur guttulæ concreti cujusdam succi, qui in recentibus ovis, dum igni admoventur, à supradictis stigmatibus erumpunt. Placuit interdum, ovum recenter editum in spiritu vini una cum atramento, aliquando in oleo sulphuris, atramento commixto, incoquere, ut subingredientibus liquoris maculæ, & progressus

progressus in inclusis membranis hærent; copiosa igitur nigra stigmata insinuati atramenti emersere in subjectis membranis, & in albumine ipso.

Relata Papilionum ova linteolis hærent, & per totam æstatem in cella vinaria, vel alia frigidori mansione conservantur, hyeme autem rigente gelu, sub lectulorum stratis, ne glaciem concipient, locantur; apparente interim vere, vino & aqua commixtis, modice calefactis, asperguntur, & ita à linteolis abraduntur, & tandem prope finem *Aprilis* blando mulierum calore incubantur, ut brevi Bombyces erumpant.

Quædam tamen Papilionum species apud nos est, quæ ~~ter~~ bis anno fæcunda redditur. Nam ipsius ova sub finem *Aprilis* Bombycem edunt, à cuius mox natis seminibus novus ante principium *Julij* promitur vermis, hujusque genita ova sub *Augusti* fine animal producunt. At quoniam Bombycum cura non in solam speciei propagationem dirigitur, sed artificum præcipuus scopus est, ut ipsorum spolia in mercimoniam usurpentur, ideo servatur folliculorum debita copia, ut venturo vere Bombycum succedat soboles; reliqui, ne erumpente papilione, staminis continuitatem solvente, inepti reddantur, ardentि soli exponuntur, & ita inclusa Aurelia suffocatur. In folliculis igitur, qui fortiori pollut structura, septem horarum spatiū

O

exiguntur

exigitur, quo solaribus radiis pervadantur: in languidis vero, quinque, & ita per mensēs conservantur folliculi.

Ut retexantur autem folliculi, parumper calenti aqua macerantur, & scoparum apicibus ita agitantur, donec staminum capita emergant; unde in fasciculum contorta, per foramen, in ferrea lamina excitatum, ne folliculi ascendant sursumque rapiantur, sed in aqua immersi detineantur, transducuntur, & super harpedone multiplicatis circuitibus evolvuntur.

Laudabile vero efficitur Sericum, dum diversa uniuntur stamina; ut plurimum tamen octo exiguntur, & cum singulus quique folliculus laminis componatur, quas diversum referre colorem & robur diximus, hinc fit, ut debita singularum exigatur mixtura. Quare firmum & molle stamen partim ex debiliore subalba textura, partim ex firmiori aurea portione componitur; atque ita ex folliculis, qui exterius aureo sunt colore, interius vero albidi, retextum stamen cum eo commiscetur, quod ab exteriori involucro eorum depromitur, qui Soriani appellantur. Non tota semper staminis longitudo retexitur, nec pro serico componendo filo apta censetur; nam laxior folliculi portio & tenuior, quae Bombycem immediate circumdat, cum fragilis valde sit, nec ita facile separari possit, ut inepta rejicitur, & à nostratisbus

stratibus *Sirighella* appellatur; quod vero retexitur (ut interdum expertus sum) nongentos & triginta Bononienses æquat pedes, adhuc superstite exteriori lanugine, & postrema folliculi illaque inepta parte, quæ quartam, ut suspicor, totius referre poterat. Eductum stamen, & in filum contortum, in plures usus facescit; & nemo est, qui vestium & ornamentorum varia inde producta genera ignoret.

Sed jam nimis in longum protracta est Bombycis historia, in qua quidem texenda, plura, quæ passim apud alios habentur, omisi; forte etiam graviora ob instrumentorum, quibus utor, ruditatem, vel saltem ingenij hebetudinem & imperitiam, neglexi, quæ sagaciorum labores expectant; reliqua, quæ ruditer exarata transmitto, vestram exoptant culturam, si tamen a magno opere, quo detinemini, interdum vacare contigerit; dum interim ego immensam Conditoris industriam & largitatem, Vermes istos ac Insecta quædam contemplatus, admiror, quæ prægrandium animalium viscera, à quibus effluit vita, nec gemina, nec plura voluit, sed ipsorum energiam longo veluti ambitu fractam, deductis in singulas corporis partes rivulis, emanare tantum jussit; in nostris vero Bombycibus, & consimilibus animalculis, ut artificium materiæ defectum suppleret, vitæ principia ingenti liberalitate ita multiplicavit,

ut quælibet pars suo peculiariter gaudet Corculo, Cerebro, & Pulmonibus, & avulsa à cæterorum consortio adhuc vivere deprehendatur, ita ut cum Plinio fatear: *Mibi intuenti sæpe persnasit rerum Natura, nihil incredibile existimare de ea.*
Valete.

FINIS.